

ՎԱՀԱԳՆ ՏԱՏՐՅԱՆ. ՀԱՅՈՑ ՑԵՂԱՍՊԱՆՈՒԹՅԱՆ ԱՎԱՆԱԿՈՐ ՈՒՍՈՒՄՆԱՍԻՐՈՂԸ*

ԼՈՒՍԻՆԵ ՍԱՀԱԿՅԱՆ

Բանալի բառեր՝ Վահագն Տատրյան, Հայոց ցեղասպանություն, տեղահանություն, Հայաստան, Արցախ, Սփյուռք, Օսմանյան կայսրություն, Հասարակազգիություն, ոճրագիտություն, զոհագիտություն, վավերագիր, մամուլ:

Նախաբան

Հայոց ցեղասպանության նշանավոր ուսումնասիրող Վահագն Տատրյանի (1926¹, մայիսի 26 – 2019, օգոստոսի 7) կյանքն ու գիտական գործունեությունն առանց վարանելու կարելի է բնութագրել որպես իրական առասպել: Անգնահատելի է նրա ներդրումը Հայոց ցեղասպանության ուսումնասիրության բնագավառում: Տատրյանը, մասնավորապես, Հայոց ցեղասպանության ուսումնասիրությանը հաղորդելով նոր որակ՝ հիմնարար հարցադրումներով և գիտական նոր տեսությունների ու համեմատական ցեղասպանագիտության հենքի վրա այն դարձրեց հասանելի միջազգային գիտական շրջանակներին: Ուստի այսօր չափազանց կարևոր է Տատրյանի գիտական ժառանգության վերաարժեքումը, հատկապես, երբ Հայաստանն ու Արցախը կրկին հայտնվել են հայ ժողովրդի գոյության և Հայաստանի ինքնիշխանությունը վտանգող թուրք-ադրբեջանական ծավալապաշտական նկրտումների հանդիման: Վ. Տատրյանի աշխատությունները հիմնարար գիտական լինելուց բացի՝ ունեն քաղաքագիտական արժեք: Ցեղասպանագետը, առաջին անգամ շրջանառության մեջ դնելով հույժ կարևոր վավերագրեր, փաստական այդ նյութերը քննել է միջազգային իրավունքի, քրեագիտության, հասարակագիտության և ոճրագիտության տեսանկյունից՝ միաժամանակ ստեղծելով Հայոց ցեղասպանությունը գիտականորեն բնութագրող եզրույթներ ու սահմանումներ: Վ. Տատրյանի գիտական նոր մեթոդաբանությամբ արված ուսումնասիրություններն ամրագրում են Հայոց ցեղասպանության կանխամտածված լինելու իրողութ-

* Ներկայացվել է 27. I. 2023 թ., գրախոսվել է 06. III. 2023 թ., ընդունվել է տպագրության 23. III. 2023 թ.: Հետազոտությունն իրականացվել է ՀՀ գիտության կոմիտեի տրամադրած ֆինանսական աջակցությամբ՝ 20TTSN-042 ծածկագրով գիտական թեմայի շրջանակում: ԱՄՆ-ում Լոս Անջելեսի «Արարատ-Էսքիջյան» թանգարանում, պահվող Վահագն Տատրյանի արխիվում աշխատելու հնարավորություն և մեզ նյութեր ու լուսանկարներ տրամադրելու համար շնորհակալություն ենք հայտնում տնօրեն Մազի Մանգասարյան Գոչինին, ում շնորհիվ այդ արխիվի Բոստոնից տեղափոխվել է Լոս Անջելես և ի պահ տրվել սույն թանգարանին:

Վ. Տատրյանի անձնական արխիվում պահվող նրա թուրքական անձնագրում ծննդյան թիվը նշված է 1921 թ.:

յունը: Մեծ ցեղասպանագետի ուսումնասիրությունները ներկայացնում են հայ ժողովրդի պատմության ամենաողբերգական ժամանակաշրջանի՝ կոնստանդուպոլսյան արդար հատուցում չստացած հարցերը, որոնց ուղղակի հետևանքն է Հայաստանի Հանապետության ներկայիս բարդ իրավիճակը և Արցախի մեծագույն մասի կորուստը:

Էջեր Վահագն Տատրյանի կենսագրությունից

Տատրյան ընտանիքը սերում է Կեսարիայի գավառի Գերմիր (Կարմիր) գյուղաքաղաքից²: Հետագայում տեղափոխվել է Սեբաստիայի նահանգի Չորում գյուղաքաղաք, որտեղ ապրում էին մեծ թվով հայեր: Տատրյաններն այնտեղ հայտնի էին որպես ազգասեր տոհմ: Գերդաստանի մեծ հոր՝ Աբրահամ էֆենդու բարերարությունը կառուցվել է քաղաքի եկեղեցին, իսկ որդին՝ Վ. Տատրյանի հայրը՝ Հակոբը, հիմնել է քաղաքի դպրոցի շենքը: Նրանց առանձնատունը հյուրատեղի է եղել քաղաքի և՛ հաշտության, և՛ աղքատների համար: Ինչպես գրում է Վ. Տատրյանի ավագ քույրը՝ Ադրինեն՝ «Հայրս ալ կրկնած էր, թէ Չորումի մեր տունը բնաւ չէր գոցուեր: Հոնկէ ներս կը մտնէին անօթիներ, տաք կերակուր մը գտնելու և որեւէ գործի առթիւ խնդրագիրներ գրել տալու համար»³: Հակոբ Տատրյանը, ավարտելով Մարզվանի Ամերիկյան քոլեջը, Չորումում աշխատել է որպես փաստաբան, զբաղվել է առևտրական գործերով, ինչպես նաև



Հակոբ Տատրյանը մոր, առաջին կնոջ և գավակների՝ Աբրահամ Վահեի ու Ադրինեի (ախոռապանի գրկում) հետ, Չորում:

ճանաչված էր թուրք քաղաքական գործիչների շրջանակում:

Հայոց ցեղասպանության ընթացքում Տատրյան ընտանիքը, անցնելով բռնազավթի ճանապարհը, հաստատվում է Դամասկոսից հարավ՝ Հորդանանի խորքերում գտնվող չերքեզական Զերեջ գյուղաքաղաքում⁴: Տարագրության ճանապարհին՝ Հալեպում, մահանում է Հակոբի կինը՝ Հայկանուշը⁵, և նա իր մոր, երեք գավակների՝ ավագ որդու՝ Աբրահամ Վահեի, դստեր՝ Ադրինեի և փոքր որդու՝ Բյուզանդի հետ հանգրվանում է Զերեջում: Տեղի քաղաքապետարանում Հակոբը պաշտոն է ստանում և շնորհիվ իր կապերի՝ կարողանում է Չորումից բավական հայ ընտանիքներ, այդ թվում՝ ազգականներին տեղափոխել Զերեջ: Հետագայում նա իր ընտանիքով անցնում է Կ. Պոլիս՝ Բաքեր-գյուղ (Բաքերքյոյ, նախկինում՝ Մաքրի գյուղ), իսկ այնուհետև՝ հաստատվում

² Ա. Տատրեան. 1995, 52–53:

³ Ա. Տատրեան. 1995, 20–21:

⁴ Ա. Տատրեան. 1995, 9: Տատրյանների ազգական Վահրամ Տատրյանն իր հուշերում ևս պատմում է ընտանիքի տեղահանության պատմությունը (տե՛ս Տատրեան. 1945, 564, Dadrian. 2003, 408):

⁵ Ա. Տատրեան. 1995, 53:

Քաղաքացիություն (Քաղքայոյ): Հ. Տատրյանն ամուսնանում է երկրորդ անգամ՝ իր ծանոթ քահանայի աղջկա՝ Մայրենիի հետ: Այդ միությունից ծնվում են Վահագն Նորայր Տատրյանը և քույրը՝ Մելինեն⁶: Վ. Տատրյանը մանուկ հասակում կորցնում է մորը: Հիվանդության պատճառով մահանում է նաև հայրը: Ստիպված Վահագնին և Մելինենին ուղարկում են Սկյուտարի գիշերօթիկ դպրոց՝

Վ. Տատրյանը նախնական կրթություն է ստանում Կ. Պոլսի Սկյուտարի Ներսեսյան-Երմոնյան վարժարանում, որից հետո վեց տարի սովորում է Բանկալթի Վիեննական Մխիթարյան կրթահամալիրում⁸, ապա՝ ընդունվում Ստամբուլի համալսարան՝ Արժանանալով Ալեքսանդր Փոն Հումբոլդի կրթաթոշակին՝ նա իր ուսումը հաջորդաբար շարունակում է Բեռլինի համալսարանի մաթեմատիկայի, Վիեննայի համալսարանի պատմության և Յուդիխի համալսարանի միջազգային իրավունքի ֆակուլտետներում¹⁰: Այդ տարիներից ուրվագծվում է ապագա գիտնականի հետաքրքրությունների շրջանակը: Ինչպես հետագայում գրում է Տատրյանը, «Ես պատկանում եմ հայերի այն սերնդին, ովքեր ծնվել են Ստամբուլում՝ Թուրքիայում, և մեծացել են Առաջին համաշխարհային պատերազմի ընթացքում տեղի ունեցած Հայոց ցեղասպանությունից հետո: Ինչպես իմ սերնդակիցներից շատերի, այնպես էլ իմ կյանքի վրա ևս զգացվել է ցեղասպանության ավերածությունների հետևանքները: Ի հավելումն ընտանիքիս մի քանի անդամների՝ հիմնականում իմ հորական և մորական տատիկի կորստին, ես ստիպված էի դիմանալ այդ տրավմայի պատճառով ի հայտ եկած այն անողոք տառապանքին, որը կրեցին իմ ողջ մնացած ընտանիքի անդամները, մինչև իրենց կյանքի վերջը»: Եվ ողբերգությունն ու նրա զոհերն էին, ինչպես գրում է Տատրյանը, որ իրեն մղեցին գիտական որոնումների¹¹:

Նրա մասնագիտական վերջնական կողմնորոշման համար շրջադարձային է եղել ավստրիացի վիպասան Յրանց Վերֆելի¹² «Մուսա լեռան քառասուն օրը»¹³ վեպի ընթերցումը. «Ես միշտ հետաքրքրվել եմ մաթեմատիկայով, ինչ-

⁶ Ա. Տատրյան. 1995, 53–54:

⁷ Ա. Տատրյան. 1995, 68:

⁸ «Բուրաստան» (Մոնթրէալ), 1963, թիվ 4–5, յուլիս–օգոստոս, 7:

⁹ «Պայքար» (Բոստոն), 28. VIII. 1957:

¹⁰ «The Armenien Reporter» (New York), 19. IV. 1976.

¹¹ Dadrian. 2010, 235.

¹² Առաջին համաշխարհային պատերազմից հետո Ֆ. Վերֆելն որոշ ժամանակ ապաստանում է Սբ. Ղազարի Մխիթարյան միաբանությունում և վանականներից իմանալով թուրքերի հարձակումների դեմ Մուսա լեռան հայերի հերոսական դիմադրության մասին՝ ներշնչված գրում է «Մուսա լեռան քառասուն օրը» վեպը (տե՛ս Մարտիկյան. 1957, 343):

¹³ Werfel. 1933. Այնքան մեծ է եղել Յր. Վերֆելի «Մուսա լեռան քառասուն օրը» վեպի ազդեցությունն ու արձագանքները, որից խիստ անհանգստացած՝ նացիստները, Գերմանիայում հավաքելով գրքի օրինակները, այրել են: Նույնը տեղի է ունեցել Կ. Պոլսում (տե՛ս Վերֆել. 2022, 10): Մի խումբ հայեր, թուրքական կառավարությունը հաճոյանալու և իրենց հավատարմությունը ցույց տալու համար, կամ, միգուցե, վախից դրդված, 1935 թ. դեկտեմբերին այս գիրքը հավաքում են

պես նաև փիլիսոփայության, մասնավորապես՝ իմացաբանության հետ նրա առնչակցությանը, բայց Վիեննայի համալսարանի իմ դասախոսներից մեկի՝ պրոֆ. Ֆրիդրիխ Կայնցի հետ շփվելու ընձեռնված հնարավորության դիպվածը փոխեց ամեն ինչ:

Իմանալով, որ ես հայ եմ, նա հորդորեց, որ կարդամ իր համադասարանցու՝ Վերֆելի «Մուսա լեռան քառասուն օրը» վեպը: Վերֆելը Կայնցին խոստովանել էր, որ այդ վեպը գրելու գլխավոր դրդապատճառը գեղարվեստական միջոցներով ամբողջ աշխարհին հայերի զանգվածային ոչնչացման ներկայացումն էր, որը հրեաներին ուղղված չարագույժ կանխագուշակում էր: Այդ գրքի ուժը, չնայած նրա մուսլյ, նույնիսկ ողբերգական էությանը, իմ երիտասարդ մտքի վրա գործեց երբեք չթուլացող ազդեցություն: Նրկու հատորներում ներկայացված անհամաչափ հարաբերակցությունն այնպիսի երևույթների, ինչպիսիք են՝ մի կողմից մարդկային բարեպաշտությունը վշտի ու տառապանքի պահին, այդ տառապանքը կրելու ունակությունն ու հերոսականությունը և մյուս կողմից՝ համատարած անհավասարությունը, անտանելի դաժանությունը, որն էլ ավելի էր խորանում մնացյալ աշխարհի անտարբերության արդյունքում, ի վերջո, ստիպեցին ինձ վերաուղղորդել սեփական հետաքրքրությունն ու կենտրոնանալ հետազոտության նոր բնագավառի, այն է՝ իշխանությանը օժտված հանցագործ խմբավորման կողմից խոցելի հավաքականությունը նահատակության ենթարկելու հիմնահարցի վրա»¹⁴:



Վահագն Տատրյանն ավագ քրոջ՝ Ադրիենի և կրտսեր քրոջ՝ Մելինեի հետ:

Տատրյանն անձնական գրույցներում նշել է, որ իր համար բեկումնային է եղել նաև տրապիզոնցի Լևոն-Ջավեն Սուրմեյանի «Ձեզ եմ դիմում տիկիներ և պարոններ» ինքնակենսագրական վեպը¹⁵, որում հեղինակը պատմում է Տրապիզոնում անցկացրած մանկությունն ու 1915 թ. Հայոց ցեղասպանությունը տանամայա ականատեսի աչքերով:

1951 թ. տեղափոխվելով ԱՄՆ՝ Դետրոյթի Ուեյնի համալսարան, Տատրյանը մասնակցում է հասարակագիտության դասերին և ստանում մագիստրոսի աստիճան, իսկ 1954 թ. Չիկագոյի համալսա-

Բանկալթի թաղամասի հայոց եկեղեցու բակում և ցուցադրաբար Վերֆելի մեծադիր լուսանկարի հետ այրում: Կրակը վառում է «Ազդարար» ու «Նոր լուր» թերթերի թղթակից Ա. Քեչյանը, իսկ Բեյոլլուի հայկական վաքըֆի կառավարիչ Ա. Ապանը ելույթ է ունենում քծնելով թուրքական կառավարությանը և Վերֆելի վեպը հռչակելով «ցնդաբանություն»: Այդ լուրը, տեսարանի լուսանկարով, հայտնվում է թուրքական հեղինակավոր «Ջումհուրիեթ» և մի շարք այլ թերթերի էջերում [“Cumhuriyet” (Istanbul), 16. XII. 1935; Bali. 1989, 21–22]:

¹⁴ Dadrian. 1995, XV–XVI; Дадриян. 2007, XVI.

¹⁵ Սուրմեյան. 1980:

րանում՝ դոկտորի աստիճան¹⁶: 1956 թ. նա դասախոսական աշխատանքի է անցնում Այդահոյի համալսարանում¹⁷: Այնուհետև հասարակագիտություն է դասախոսում Բոստոն քոլեջում (համալսարան)¹⁸ զուգահեռ աշխատակցելով «Հայրենիք» օրաթերթին¹⁹: Տատրյանը շուրջ քսան տարի ամերիկյան մի շարք համալսարաններում դասավանդել է հասարակագիտություն, սոցիալ-հոգեբանություն, քրեագիտություն և այլ առարկաներ, որպես ավագ գիտաշխատող պաշտոնավարել է Հարվարդի համալսարանի Միջին Արևելքի ուսումնագիտական և Մասաչուսեթսի Տեխնոլոգիական ինստիտուտի (MIT) Միջազգային ուսումնասիրությունների կենտրոններում, Դյուքի համալսարանում՝ որպես հրավիրյալ դասախոս²⁰:



Վահագն Տատրյանը երիտասարդ տարիքում:

Տատրյանի համար ճակատագրական է եղել Բեյրութում հանդիպումը կաթոլիկ հոգևորական հայր Գրիգոր Գերգերյանի (Գրիգեր)²¹ հետ: Վերջինիս՝ Հայոց ցեղասպանությունը նվիրված հիմնաքարային ուսումնասիրությունները ճանապարհ են հարթել Տատրյանի հետագա գիտական գործունեության համար: 1964 թ. «Նյու Յորք Թայմս» թերթում Հայոց ցեղասպանության մասին Տատրյանի հրապարակումից հետո՝ 1965 թ., Գրիգերը նրան հրավիրում է Բեյրութ²²: Այդ հանդիպման ժամանակ Տատրյանը տեղեկանում է, որ գոյություն ունեն մարդկության դեմ իրազդործված մեծագույն ոճրի մասին վկայող ապացույցներ և ոճրագործների դատավարությունը վերաբերող իրական վավերագրեր: Հատկապես Գրիգերն արժևորում է Երուսաղեմի Հայոց պատրիարքարանում պահվող արխիվը:

Արխիվը ժամանակին հավաքել է Կ. Պոլսի Հայոց պատրիարքարանին կից ու Հայոց պատրիարք Զավեն արք. Տեր-Եղիայանի հովանու ներքո, նաև՝ Գրի-

¹⁶ «Բուրաստան», 1963, թիվ 4–5, յուլիս–օգոստոս, 7:

¹⁷ «Բուրաստան», 1963, թիվ 4–5, յուլիս–օգոստոս, 7:

¹⁸ «Հայրենիք» (Բոստոն), 06. X. 1964:

¹⁹ «Արմենիա» (Բուենոս-Այրես), 02. IX. 1968:

²⁰ Դ ա գ ր յ ա ն. 2012, 3: Տե՛ս նաև Տ ա տ ր ե ա ն. 2009, 33:

²¹ Գրիգերը ծնվել է 1911 թ. մայիսի 12-ին Սեբաստիայի նահանգի Կյուրինի շրջանում: Նա ընտանիքի 16 երեխաներից ամենափոքրն էր: Տեղահանության ժամանակ փրկվել են ընտանիքից միայն վեցը, իսկ մյուս տասը երեխաները՝ ծնողների հետ սպանվել: Ավագ եղբոր հետ նա 1916 թ. հասնում է Բեյրութ և ապաստան գտնում որբանոցում: 1925 թ. Գրիգերն ընդունվում է Զմմառի հայ կաթոլիկ վանքի դպրոցը: 1930 թ. ավարտում է Բեյրութի Սբ. Հովսեփ ֆրանսիական համալսարանը: Կրթությունը շարունակել է Հռոմի Լեոնյան ակադեմիայում՝ դառնալով աստվածաբան և հոգևորական: Անավարտ է մնացել Հայոց ցեղասպանության վերաբերյալ նրա դոկտորական ատենախոսությունը: Գրիգերի արխիվում կան իր իսկ կողմից լուսանկարված, Երուսաղեմի Հայոց պատրիարքարանում պահվող «Տեղեկատու դիվանի» մի շարք վավերագրեր (տե՛ս Ա. ք չ ա մ. 2019, 37–39): Աքչամը հայտնում է, որ Գրիգերի կյանքի մասին տեղեկությունները ստացել է Էդմոն Գերգերյանից (Ա. ք չ ա մ. 2019, 327):

²² Տե՛ս նաև Մ ա ն ու կ յ ա ն. 2019, 180–181:

գոր Դավիթյանի նախաձեռնությամբ 1919 թ. հիմնված «Տեղեկատու դիվանը»²³: Այդ արխիվում տեղ գտած վավերագրերը պետք է փոխանցվեին Կ. Պոլսում օտար, մասնավորապես՝ Բրիտանական բարձր հանձնակատարությանը: 1918 թ. Մուգրոսի գինադադարի 142-րդ և 230-րդ հոդվածների համաձայն Ազգերի լիգայի դատարանների առջև ոճրագործները պետք է դատապարտվեին: Գրիգորը գրում է. «Թուրք Պատերազմական Ատեանի վարած դատավարութեանց ընթացքին 1919–1921, Հայերը իրաւական կողմ էին Ատեանի առջեւ եւ այս իսկ հանգամանքով իրաւունք ունէին թուրք վաւերագրերէն պաշտօնապէս վաւերացուած պատճէններ եւ օրինակներ ունենալու»²⁴: «Տեղեկատու դիվանի» հավաքած այս վավերագրերի մի մասը ևս հիմք են դարձել Տատրյանի կոթողային ուսումնասիրությունների համար:

Վ. Տատրյանն ուղղակիորեն զարգացրել և գիտամեթոդական նորագույն եղանակներով շարունակել է Հայոց ցեղասպանությունը վերապրած հեղինակների գործերը: Նրանք վավերագրական ճշգրտությամբ թողել են բացառիկ հուշագրություններ ու հետազոտություններ, որոնք աղբյուրագիտական արժեք են ներկայացնում բոլոր ժամանակների հետազոտողների համար: Առանց այդ աղբյուրների հնարավոր չէր լինի վեր հանել Հայոց ցեղասպանության վավերագրական մանրամասներն ու հանցագործության ծավալները: Անգնահատելի են Արշակ Ալպոյաճյանի, Արամ Անտոնյանի, Թեոդիկի, Գրիգորիս վրդ. Բալաքյանի, Վահան Միրազեանցի, Սեպուհ Ակունու, Արշակ Չոպանյանի, Զապել Եսայանի, Երվանդ Օտյանի, Մուշեղ Սերոբյանի, Կարապետ Գաբրիլյանի, Ավետիս Նազաչյանի, Հովհաննես արք. Նազլյանի, Արշակ Սաֆրաստյանի, Վահան Մինախորյանի, Վահե Հայկի, Հայկազն Ղազարյանի, Լևոն Վարդանի կատարած ուսումնասիրությունները և գիտական ժառանգությունը, անշուշտ, Կ. Պոլսի Հայոց պատրիարք Զավեն արք. Տեր-Եղիայանի «Պատրիարքական հուշերս»²⁵, ինչպես նաև՝ այլ երախտավորների գործերը: Մտավորականների այս փաղանգն էր, որ ամենայն բժախնդրությամբ ու մանրամասնությամբ թղթին է հանձնել իր տեսած ու իմացած բոլոր ոճրագործությունները՝ չըջանառության մեջ դնելով տարաբնույթ վավերագրեր և տեղեկագրեր, ընդհուպ օսմանյան իշխանությունների՝ հայերի ոչնչացման հրամանագրերն ու դրանց գաղտնագրերով օրինակները՝ օսմաներեն, հայատառ թուրքերեն և հայերեն տարբերակներով: Ահա այս անհատականություններն էին, որ հարթեցին գիտական այն մայրուղին, որի բարդ ու վայրիվերումներով լի ճանապարհն ընտրեց մեծանուն գիտնական Վ. Տատրյանը: Սիյուռքի և Հայաստանի գիտնականների սերունդը համոզված առաջնորդվում էր այն գիտակցությամբ, որ իր ապրած յուրաքանչյուր օրն ու գործունեությունը նպաստելու է Հայոց ցեղասպանության ճանաչման, դատապարտման և հատուցման գործընթացին:

Վ. Տատրյանը, հիմք ընդունելով վերոհիշյալ հեղինակների աշխատությունները, հետազոտել է աշխարհի տարբեր արխիվներում պահվող Հայկական հարցին և Հայոց ցեղասպանությանը վերաբերող բազմալեզու վավերագրեր՝

²³ Ս ա հ ա կ յ ա ն. 2022, 5–32:

²⁴ Գ ր ի կ է ր. 1980, 71:

²⁵ Զ ա ւ է ն Ա ր ք ե պ ս. 1947:

կիրառելով գիտական ուսումնասիրման միջառարկայական նոր մեթոդաբանություն՝ առաջադրված խնդիրները քննելով պատմագիտության, միջազգային իրավունքի, հասարակագիտության, ոճագիտության և գոհագիտության տեսանկյունից: Եվ պատահական չէր, որ Տատրյանն ընտրվեց «Միջազգային ոճագիտության ընկերության» նախագահ:

1970–1991 թթ. զբաղեցնելով Նյու Յորքի նահանգային Ջենեսիոյի համալսարանում հասարակագիտության պրոֆեսորի պաշտոնը՝ Տատրյանը դասախոսական աշխատանքի հետ շարունակում է իր ուսումնասիրությունները Հայոց ցեղասպանության բնագավառում: Համալսարանում Տատրյանն առաջին անգամ սկսում է վարել «Համեմատական ցեղասպանագիտություն» դասընթացը²⁶:

1975 թ. Նյու Յորքի համալսարանից կրթաթոշակ ստանալով՝ սկսում է իր հետազոտությունները Լոնդոնի, Փարիզի, Բեռլինի, Բոննի և Վիեննայի պետական արխիվներում²⁷: Նրան հաջողվում է ձեռք բերել և առաջին անգամ չրջանառության մեջ դնել Բրիտանական հանրային արխիվում պահվող 1918–1920 թթ. Կ. Պոլսի Բրիտանական Բարձր հանձնակատարության, Մերձավոր Արևելքում ռազմական և քաղաքական հետախուզության գրասենյակների թղթածրարները և, հատկապես, Բրիտանական արքայական իրավաբանական գրասենյակի փաստաթղթերը²⁸: Տատրյանն ուսումնասիրություններ է կատարել Երուսաղեմի Հայոց պատրիարքարանում պահվող Հայկական հարցի և Հայոց ցեղասպանության, թերևս, իր ծավալով ամենամեծ ու բացառիկ արխիվում: Նրա ուսումնասիրության առավելություններից մեկն էլ այն է, որ վերլուծաբար չրջանառել է արխիվում պահվող օսմանյան կենտրոնական և տեղական իշխանությունների հանցագործությունները փաստող վավերագրերը, թուրքական Ռազմական (Պատերազմական) արտակարգ ատյանի արձանագրությունները, դատական գործընթացներին վերաբերող «Թաքվիմ-ի Վեքայի» թերթի հոդվածները²⁹: Տատրյանը նշում է ինչքան իրեն հայտնի է, Երուսաղեմի արխիվից բացի, որևէ այլ արխիվային հիմնարկ կամ գրադարան չունեն թերթի այդ համարները, քանի որ թուրքական իշխանությունները տպվելուց անմիջապես հետո դրանք հավաքել են³⁰:

²⁶ “The Armenian Reporter”, 07. XII. 1972.

²⁷ «Արեւ» (Գահիրէ), 02. V. 1975: Տե՛ս «Ալիք» (Թեհրան), 26. IV. 1975:

²⁸ Dadrian. 1989, 221.

²⁹ Dadrian. 1991, “International Journal of Middle East Studies”, Vol. 23, № 4, 549–576.

³⁰ Dadrian. 1989, 221. «Թաքվիմ-ի Վեքայի» թերթի կարևորության անդրադարձել է նաև Գրիգորը. «Պաշտոնաթերթ Թագուիմը Վազայի նոյնութեամբ արձանագրած է Պատերազմական Ատեանի նիստերուն ատենագրութիւնը, բայց ոչ ամէնը, այլ կարեւորներ. տուած է բազմաթիւ թուրք պաշտօնական վաւերագրեր, որոշումներ, վճիռներ եւ կարեւոր աղբիւրներ: Թուրք պաշտօնաթերթ Թագուիմը Վազայի ոչ թէ միայն յիշած է թուրք պաշտօնական վաւերագրերը, այլ անոնցմէ շատեր նոյնութեամբ հրատարակած է: Այս վաւերագրերը կը հաստատեն վերջնականապէս թէ Երիտասարդ Թուրքերու Կուսակցութիւնը 1914 Յուլիս ամիսէն սկսեալ կազմակերպեց թէչքիլաթը Մահալապի հրոսպետները եւ հրոսակները (չէթէ) որոնց պաշտօն տրուեցաւ Հայ կառաւաններ կոտորել եւ հախտակել ինչքերն ու գոյքերը» (Գրիգոր. 1980, 33, 35):

1960–1990-ական թվականներին Տատրյանը հանդես է եկել ֆրանսերեն, անգլերեն և գերմաներեն բազմաթիվ դասախոսություններով՝ Բեռլինի, Մյունխենի, Պարմայի, Տորինոյի, Յյուրիխի, Ուփսալայի, Մայնի, Ֆրանկֆուրտի, Բոխումի, Մյունստերի, 1993–1994 թթ.՝ Ամստերդամի, Ուտրեխտի, Ժնևի և Բյուսելի համալսարաններում, ՅՈՒՆԵՍԿՕ-ի փարիզյան կենտրոնում ու ՄԱԿ-ի նյույորքյան կենտրոնակայանում³¹: 1996 թ. Բրիտանական Համայնքների պալատում տեղի ունեցած Հայոց ցեղասպանության 80-րդ տարելիցի առթիվ Տատրյանը զեկուցողի պատվին արժանացած առաջին հայ գիտնականն էր³²: 1999 թ. նա ստանձնում է Տորոնտոյում Զորյան հաստատությունից Ցեղասպանության ուսումնասիրության գծով տնօրենի պաշտոնը³³: Հայնաձավալ գիտելիքների և օտար լեզուների (թուրքերեն, օսմաներեն, ֆրանսերեն, գերմաներեն, անգլերեն) փայլուն իմացության արգասիքն են Տատրյանի բազմաթիվ հոդվածներն ու գրքերը Հայոց ցեղասպանության մասին. աշխատություններ, որոնք հիմնարար աղբյուրագիտական փաստարկումներով ու նրա՝ մամթեմատիկական ճշգրիտ մտածողությամբ նոր որակ են հաղորդում և նոր մակարդակի են բարձրացնում Հայոց ցեղասպանության գիտական ուսումնասիրությունը:

Վ. Տատրյանի գրչին են պատկանում տարբեր լեզուներով գրված 22 մենագրություն և շուրջ 140 գիտական հոդված, բազմաթիվ հրապարակումներ, ինչպես նաև տվել է բազմաթիվ հարցազրույցներ: Նա 1971 թ. անգլերեն է թարգմանել 1926 թ. Զարեանդի «Միացեալ, Անկախ Թուրանիա» գիրքը³⁴: Մեկ տասնյակից ավելի հոդվածներ է գրել մասնագիտական հանրագիտարաններում³⁵: Գիտական արժեքավոր ժառանգություն է նաև Տատրյանի ստեղծած բազմահազար էջանոց արխիվը, որը նրա 40 տարիների տքնաջան, բեղուն ու անձնվեր աշխատանքի արդյունքն է: Տատրյանն այս արխիվը ստեղծել է սեփական միջոցներով՝ աշխարհի տարբեր գրադարաններից ու արխիվներից հավաքելով Հայկական հարցին ու Հայոց ցեղասպանությանը վերաբերող բազմալեզու բացառիկ վավերագրեր, որոնք էլ դարձել են նրա ուսումնասիրության առաղձը: Ցեղասպանագետի արխիվից ակնհայտ է դառնում գիտնա-

«Թաքվիմ-ի Վեքայի» թերթի մի շարք համարներ ուսումնասիրել է նաև Ա. Փափազյանը (տե՛ս Հայերի ցեղասպանությունը ըստ երիտթուրքերի դատավարության փաստաթղթերի. 1989):

³¹ Դ ա դ Ր յ ա ն. 2012, 3:

³² Պ ո Ղ ո ս յ ա ն. 2001, 49:

³³ Դ ա դ Ր յ ա ն. 2012, 3:

³⁴ Zarevand. 1971.

³⁵ Dadrian. 1999, Encyclopedia of Genocide, vol. 1, 87–89; Dadrian. 1999, Encyclopedia of Genocide, vol. 1, 90–93; Dadrian. 1999, Encyclopedia of Genocide, vol. 1, 93–95; Dadrian. 2005, Encyclopedia of Genocide and Crimes Against Humanity, vol. 1, 67–76; Dadrian. 2005, Encyclopedia of Genocide and Crimes Against Humanity, vol. 1, 92–94; Dadrian. 2005, Encyclopedia of Genocide and Crimes Against Humanity, vol. 2, 489–491; Dadrian. 2005, Encyclopedia of Genocide and Crimes Against Humanity, vol. 3, 1019–1020 (Վ. Տատրյանի գիտական հրապարակումների ցանկը տե՛ս նաև հետևյալ կայքում՝ www.genocidestudies.org/vahakn-dadrian).

կանի բծախնդրությունը նյութի հանդեպ: Տատրյանի արխիվը կարևոր աղբյուր է այդ ժամանակաշրջանի պատմությունն ուսումնասիրողի համար:

2019 թ. մեծանուն հայ գիտնականը մահանում է թողնելով գիտական բացառիկ ժառանգություն Հայոց ցեղասպանության ուսումնասիրության վերաբերյալ:

Վ. Տատրյանի գիտական-հասարակական գործունեության լուսաբանումը սփյուռքյան մամուլում (1960–1990-ական թվականներ)

1960–1990-ական թվականներին, ինչպես նաև 2000-ական թվականներին առաջին տասնամյակին Վ. Տատրյանի ծավալած գիտական-հասարակական գործունեությանն ու հրատարակություններին արձագանքել է սփյուռքյան և օտարալեզու մամուլը՝ համակողմանիորեն բացահայտելով նրա անհատի և գիտնականի կերպարը: Անվանի ցեղասպանագետը մասնակցել է բազմաթիվ միջազգային գիտաժողովների և դասախոսությունների կարգապահ Սփյուռքի տարբեր համայնքներում: 1960-ական թվականներին երեք անգամ եղել է Խորհրդային Միությունում, երկու անգամ՝ Խորհրդային Հայաստանում³⁶ կատարելով գիտական ուսումնասիրություններ, որոնց հիման վրա 1963–1970 թթ. ընթացքում գիտական հանդեսներում ու մամուլում հրապարակել է Խորհրդային Միության ազգային խնդիրների վերաբերյալ մի շարք արժեքավոր հոդվածներ: Վերլուծել է կոմունիստական գաղափարաբանությունն ու սոցիալիզմի բովանդակությունը, Մոսկվայում տեղի ունեցող ապրիլի 24-ի միջոցառումները, Խորհրդային Հայաստանի հայերի հասարակական և մշակութային զարգացումների հիմնական օրինաչափությունները, ազգային շարժումների աղբյուրներն ու նշանները, ազգերի նկատմամբ Խորհրդային սկզբնական դիրքորոշման՝ Լենինի և Ստալինի դերերի վերադնահատմամբ: Անդրադարձել է Ղարաբաղի հարցին, Խորհրդային Անդրկովկասում ազգամիջյան հակամարտություններին, Խորհրդային տարիներին Հայաստանում և Վրաստանում ազգային նարատիվների զարգացումներին, արդյունաբերականացման և էթնոցենտրիզմի նորագույն միտումներին, Հայաստանում համայնավարության ու ազգային շարժումների դրսևորումներին³⁷:

Գիտնականի հոդվածներից ակնհայտ է դառնում, որ նրա ուշադրության կենտրոնում էին Խորհրդային Հայաստանը և 1960-ական թթ. սկզբներին Լեռնային Ղարաբաղի Ինքնավար Մարզում աղբյուրների գործադրած հակահայ քաղաքականությունը: 1964 թ. Բոստոնի «Հայրենիք» օրաթերթի հոկտեմբերի 6-ի համարում լույս է տեսնում Տատրյանի ամերիկյան ազդեցիկ «Christian Science Monitor» օրաթերթում 1964 թ. սեպտեմբերի 25-ին հրապար-

³⁶ «Արմենիա», 02. IX. 1968:

³⁷ Dadrian. 1963, “Armenian Review” (Watertown), vol. 16, no. 4–64, 3–14; Dadrian. 1967, “Armenian Review”, vol. 21, no. 2–78, 9–26; Dadrian. 1965, 375–379; Dadrian. 1967, “Armenian Review”, vol. 20, no. 1–77, 64–78; Dadrian. 1967, 16, 70–71; Dadrian. “Indian Sociological Bulletin”, VI, no. 1, October 1968, 18–38; Dadrian. 1968, “Armenian Review”, vol. 21, no. 3–83, 57–84; Dadrian. 1969, “International Review of History and Political Science”, 6, no. 2, 79–92; Dadrian. 1970, “Political Scientist”, 2, no. 1–2, 13–20; Dadrian. 1972, vol. 28, 53–68; Dadrian. 1972, no. 2, 183–212; Dadrian. 1977, 201–258.

րակված «Հայերու բողոքը Մոսկվայի դեմ» հոդվածի հայերեն տարբերակը: Հոդվածում նա քննել է Արցախի հայերի բողոքը՝ ուղղված ԽՍՀՄ Մինիստրների խորհրդի նախագահ Ն. Խրուշչովին. «Ղարաբաղի երկու հարիւր հազար հայերը, իրենց այդ հանրագրութեամբ, կը բողոքէին Պր. Խրուշչովին, պարզելով իրենց կեանքի անտանելի պայմանները, «եղբայրական» Ազրպէյճանի իշխանութեան ներքեւ»: Այդ փաստաթղթում շուրջ 2.500 հայերի անունից Մոսկվայի կենտրոնական իշխանությանը տեղեկացվում է, որ Ղարաբաղի ինքնավար մարզի և հարակից շրջանների շուրջ 200.000 հայ բնակչության համար «ստեղծուել է անհանդուրժելի դրութիւն»: Տատրյանն ընդգծում է այդ ամբաստանության մեջ նշվող գանգատների շարքում ամենագլխավորն այն է, «թէ տեղական իշխանութիւնները, որոնք Ազրպէյճանցիներ են (թրքացեղ ժողովուրդ մը որ կապուած է թուրքիոյ թուրքերուն կրօնական եւ ազգագրական խնամրությամբ) Հայերու հանդէպ բռնատիրութիւն ի գործ կը դնեն»: Նաև՝ «Ղարաբաղի Ինքնավար Մարզը, որուն բնակչութեան ճնշիչ մեծամասնութիւնը Հայերէ կը բաղկանայ եւ ուր ներկայ խմորումներու թատերաբեմն է»³⁸: Մեկնաբանելով այդ բողոքը՝ Տատրյանը գրում է, որ պատմության, տրամաբանության և «ազգերի լենինյան սկզբունքի» պատգամները պետք է հարկադրեն, որ ինքնավար այս մարզը Խորհրդային Հայաստանի մաս կազմեր, մինչդեռ այն ենթարկվել է Ադրբեյջանի գերիշխանությանը: Խիստ արդիական և ուսուցողական է հետևյալ դիտարկումը ևս. «Այդ է պատճառը, որ պատահական փոքրամասնութեան մը տրուած գերադաս հեղինակութիւնը անբնական եւ անկանոն կենսապայմաններու ազդակ դարձած է: Եթէ նոյնիսկ բնական պայմաններ տիրէին հոն, Հայերու համար նման կարգավիճակ մը ամենայն հաւանականութեամբ օտար լուծի մը ճնշման համազօր պիտի ըլլար»³⁹: Ստեղծված իրավիճակում հարցը բարդանում է մասնավորապես այն իրողությամբ, որ «ներկայ պարագային, իշխանութիւնները թրքացեղ եւ թրքամիտ հանգամանք կը կրեն: Արդարեւ, արդի պատմութեան մէջ Հայերու համար թուրքերը կը հանդիսանան խորհրդանիշը այն բոլոր դաժանութեանց, որոնց ենթարկուած են Հայերը: Իրողութեան մէջ, սակայն, պր. Խրուշչովին յղուած հանրագրութեան մէջ խստացող գանգատները ցոյց կուտան թէ բնական պայմաններ չեն տիրել Ինքնավար Մարզին մէջ եւ Հայերը ստորադաս գոյավիճակի մը անպատեհութիւններուն չէ որ միայն կը հանդուրժեն»⁴⁰:

Տատրյանն առանձնացնում է բողոքի մեջ հիշատակված հետևյալ կետերը՝ մշակութային կեղեքում, տնտեսական խափանում և բնակչության բռնազաղթ եզրահանգելով, որ գործադրված այս վերջին քայլի նպատակակետը երկու ազգերի բնակչության տվյալ պահի համեմատությունը փոխելն է և ի վերջո՝ շրջելը: Բողոքագրում հայերը հայտարարում են. «Ուղղակի տարւում է ազգային-շովինիստական, պան-թուրքիստանական (համաթուրանական) քաղաքականութիւն» և «այս քաղաքականութիւնը մարզից դուրս գտնուող հայկական շրջաններում (Շամխորի, Շահումյանի, Խանլարի շրջաններ) աւելի նող-

³⁸ «Հայրենիք», 06. X. 1964:

³⁹ «Հայրենիք», 06. X. 1964:

⁴⁰ «Հայրենիք», 06. X. 1964:

կալի ձեւեր է ընդունել», և ընդգծվում այս շրջանները «90 % հայկական ազգաբնակչութիւն ունեն»⁴¹:

Մեկնաբանելով բողոքագրում ներկայացված իրողութիւնը՝ բնորոշում է՝ «աննորմալ եւ ծանր իրավիճակը ... ծաղր մըն է ինքնավարութեան»: Հայերն իրենց զայրույթն էին հայտնում Մոսկվայի հանդեպ, և, փաստորեն, այդ կեղծ ինքնավարութիւնը քողագերծում է կեղեքումը հանդուրժող մի պետութեան դեմքը⁴²:

Տատրյանը Ղարաբաղի հայերի այս քայլը գնահատում է խիզախ, հանդուգն, նաև՝ վտանգավոր պնդում, երբ բողոքագրում նշվում է. «Ստեղծուել է անհանդուրժելի դրութիւն, խտրականութիւն ամենուր եւ ամէն ինչում: Մեր վիճակն այժմ վատթար է, քան 1918–1920 թուականներին, թուրք–Մուսաֆաթական եւ անգլիական նուաճման շրջանում: Այժմ կատարուում է նոյնը՝ բարեկամութեան ու եղբայրութեան քողի տակ և այս փաստաթղթի ստորագրողները «իրենց իսկ ձեռքով հայտնում են իրենց ինքնութիւնը»՝ չվարանելով քաղաքական կուռ պահանջ ներկայացնելուց ու Մոսկվային մարտահրավեր նետելուց»: Բողոքագրում սուր ակնարկութիւններով խորհրդային իշխանութիւններին հիշեցվում է անցյալում նրանց տրված հանդիսավոր երաշխիքները: Արցախի հայերը պահանջում էին «անյապաղ վճռել Լեռնային Ղարաբաղը եւ յարակից հայկական բոլոր շրջանները Հայկական ՍՍՌ-ի մէջ վերամիաւորելու հարցը», և այդ կերպ միայն կիրականանա «Լենինեան ազգային քաղաքականութեան» սկզբունքը⁴³:

Չափազանց արժեքավոր է 1964 թ. օգոստոսի 3-ին «Նյու Յորք Թայմզում» հրապարակված Տատրյանի «Յանուն ազատ Հայաստանի կատարուած հողային պահանջներուն ժխտումը կը վերագրուի անխիղճ դիւանագիտութեան» խորագրով նամակը, որի հայերեն թարգմանութիւնը լույս է տեսել 1964 թ. օգոստոսի 19-ի «Ազդակ» օրաթերթում: Այդ նամակում անդրադարձել է ԱՄՆ հանրապետականների ընտրական ծրագրի ութերորդ հոդվածին, որը առաջադրում է՝ «Գերյալ ազգերի վերջնական ազատագրումը»: Տատրյանի մեկնաբանմամբ՝ այն քաղաքականութեան անկաշկանդ ուղեգծերի համար մի նպաստ է, նաև՝ քննադատում Ս. Լ. Սալցերեզերին⁴⁴: Վերջինս դեմ էր ծրագրի այդ հոդվածին՝ որակելով «անիմաստութեան մի խառնուրդ», և հատկապես նսեմացնում էր խորհրդային երկու հանրապետութիւնները՝ Ուկրաինան և Հայաստանը՝ առարկելով, որ այս երկու երկրները վաղուց գտնվում են ուսական տիրապետութեան տակ: Տատրյանը նրան հարց է ուղղում՝ արդյո՞ք տրամաբանական է օտար տիրապետութեան տնտեսութիւնն ընդունել որպես վավերականութեան չափանիշ: Խորհրդային լծից Հայաստանի ազատագրելու խնդիրը հայտնի լրագրող Սալցերեզերն անբացատրելիորեն կապում է գինակից Թուրքիայի հողային ամբողջականութեան դեմ սպառնալիքին: Որպես պատասխան՝ Տատրյանը գրում է. «Իսկապէս, ըլլայ ազատագրումի թէ՛ առանց ազատագրումի, ըմբռնելի ի՞նչ հիմքու վրայ Հայերուն կարելի է զլանալ

⁴¹ «Հայրենիք», 06. X. 1964:

⁴² «Հայրենիք», 06. X. 1964:

⁴³ «Հայրենիք», 06. X. 1964:

⁴⁴ Սալցեր Լեո Սալցերեզերը «Նյու Յորք Թայմզ» թերթի միջազգային հարցերի թղթակիցն էր: Նրա ընտանիքին էր պատկանում սույն թերթը:

իրենց պապենական հողերը վերստին ձեռք ձգելու պահանջի իրաւունքը. հողեր, որոնք թուրքերը իւրացուցին, անոնց բնակիչները ջարդելէ յետոյ: Այսպիսի գլացում մը միթէ համարժէք պիտի չըլլա՞յ ցեղասպանութիւնը հողային ընդարձակման իբրեւ միջոց գործածելու դրութեան համակերպելու»⁴⁵: Նամակում «Հայերը՝ դաշնակիցների կողքին» խորագրի ներքո Տատրյանը հիշեցնում է, որ երկու համաշխարհային պատերազմների ընթացքում հայերը դաշնակիցների կողքին կռիւ են քաջաբար և բազմապիսի զոհաբերութիւններով, որոնք գերազանցում էին նրանց համեստ միջոցները: Իսկ թուրքերն Առաջին աշխարհամարտի ժամանակ Գերմանիայի անդրդիւլել դաշնակիցն էին և Երկրորդ աշխարհամարտի ընթացքում դաշնակիցներին հարեցին պատերազմի ավարտից միայն երեք ամիս առաջ: Իսկ ամենից կարևորն այն է, որ թուրքերն անպատիժ գործադրեցին այնպիսի արարքներ, որոնց բնութագիրը Տատրյանը տալիս է՝ մեջբերելով Անգլիայի վարչապետ Ուիլյամ Գլադստոնի հետևյալ խոսքը. «Դժոխքի ամէնէն աներեւակայելի և զգուելի տեսարանները գերազանցող իրենց ծաւալով ու ահաւորութեամբ»⁴⁶: Ուստի Տատրյանը կոչ է անում արդարամտութիւնը չչփոխել հարափոփոխ քաղաքական գործընթացների հետ: Ըստ նրա՝ ԱՄՆ-ում սպասվող նախագահական քարոզարշավը կարող է եզակի պատահութիւնների հնարավորութիւն տալ, և այդ հույս կարևոր խնդիրը ուշադրութեամբ քննութեան ենթարկվի որպէս կենսական ազգային հարց»⁴⁷:

1965 թ. «Արեգակ» ամսաթերթը հաղորդում է, որ Տատրյանն ամերիկյան դրամաշնորհով Լոնդոնում կարողացել է ձեռք բերել արխիվային վավերագրեր և այդ առթիւ դասախոսել է «Հայ տանը» լոնդոնահայ համայնքին ծանոթացնելով իր աշխատանքների մասին: Հայտնել է նաև, որ իր տրամադրութեան տակ ունի Հայոց ցեղասպանութեանը վերաբերող 1200 վավերագիր, որոնք լուսանկարել է ԱՄՆ մայրաքաղաք Վաշինգտոնի պետական արխիվում, և դրանց մանրաֆիլմը նվիրելու է Հայաստանին: Այդ ժամանակ Տատրյանը Վաշինգտոնի համալսարանում հասարակագիտութեան դասախոս էր⁴⁸:

Մինչ այդ նա Ամերիկայից մեկնել էր Լոնդոն, Փարիզ, Բյոլն, Բոնն, Բեռլին, Մյունխեն, Վիեննա և Մոսկվա: Ապա ուղևորվելու էր Հայաստան: Սակայն Մոսկվայում հայտնի է դառնում, որ նրա մուտքը Հայրենիք արգելված է, և նա 1965 թ. մեկնում է Թեհրան: Տատրյանը դասախոսութիւններով հանդես է գալիս հայ համայնքի «Սիւիան մշակութային միութիւնում», «Հայ ակումբում» և այլն: Բազմամարդ սրահներում նրա ելույթներն ընդունվում են մեծ ոգևորութեամբ: Մասնակցում է նաև հայ պատանիների կազմակերպած «Խանասորի արշավանքի» հանդիսավոր տոնակատարութեանը: Տատրյանը հայտնում է, որ երկու անգամ այցելել է Հայաստան՝ նպատակ ունենալով Ամերիկայից վերջնականապէս տեղափոխվելու և իր գործը Մայր Հայրենիքում շարունակելու համար: Ապա ավելացնում է. «Երկու անգամներուն ալ գացած եմ որպէս հաւատացող մը Սովետական Հայաստանին. եւ թերահաւատ մը Հ. Յ. Դաշնակցութեան դերին հանդէպ: Երկու անգամներ այցելելէ ետք, եկած եմ

⁴⁵ «Ազգակ» (Պէյրութ), 19. VIII. 1964:

⁴⁶ «Ազգակ», 19. VIII. 1964:

⁴⁷ «Ազգակ», 19. VIII. 1964:

⁴⁸ «Արեգակ» (Լոնտոն), 1965, թիւ 17, օգոստոս, 11:

այն եղրակացութեան, որ ճշմարիտ է Հ. Յ. Դաշնակցութեան խօսքն ու գործը: Այսօր, ձեզի այցելելով կուգամ առ՝ աւելիով զօրացնելու հաւատքս ձեր Մեծ կուսակցութեան հանդէպ: Համայն հայ ժողովուրդը պէտք է հպարտանքով եւ երախտագիտական զգացումներով նայի Հ. Յ. Դաշնակցութեան սրբազան դերին»⁴⁹:

Թեհրանում Տատրյանը հանդիպում է հայ համայնքի տարբեր խավերին և իրանահայ գաղթօջախը բնորոշում որպէս օրինակելի համայնք, որտեղ հայութիւնը լծված է համերաշխ ու շինարար աշխատանքի, և ակնուրբ պետք է այդ ոգով առաջնորդվի: Իսկ հողվածագիր Ժ. Ղարիբջանի հետ հարցազրույցում նա վեր է հանում իր ձեռնարկած աշխատանքի նպատակը. ցեղասպանության մասին վավերական, հատկապէս արխիվային և դիվանագիտական նյութեր հավաքել, բացահայտել թուրքերի շարժառիթներն ու բազմաթիւ պատճառները և համակողմանի վերլուծել «Չարդերուն աղէտը»: Անդրադառնալով Հայ դատի գործունեութեանը՝ Տատրյանը կարծում է, որ «ներկայ պայմաններու մէջ, Հայ Դատին լուծումը որոշ հեռանկարներ կրնայ ունենալ միայն, եթե Սովետ. Հայաստանը, որ տնտեսական եւ ճարտարարւեստի գետնի վրայ անսովոր բարգաւաճում կ'արձանագրէ, եւ իսկապէս հիմը կրնայ կազմել ապագայ հզօր գինւորական կերպով Անկախ Պետութեան մը, այս բարգաւաճման զուգահեռ ձեռք ձգէ նաեւ համապատասխան քաղաքական Ազատութիւն, յատկապէս դիվանագիտական մարզին մէջ»⁵⁰:

1966 թ. «Արմենիա» թերթը հայտնում է, որ «Հասարակագետների միջազգային միութեան» հրավիրած 6-րդ համագումարում Տատրյանը դասախոսելու էր «Նորհրդային դիրքաւորումի փուլերը ազգութիւններու խնդրին մէջ» թեմայով, նաեւ հավելում նա ելույթ է ունենալու Ֆլորիդայում կայանալիք «Ամերիկյան Հասարակագետների միութեան» տարեկան համագումարի «Միջազգային հարաբերութիւններին» նիստում բոլորովին մի նոր վարկած ներկայացնելով՝ «Արդիական ազգայնապաշտութեան կառուցուածքային տարրերը»⁵¹:

1970 թ. հուլիսի 18-ին Տատրյանը դասախոսում է «Արմենիա» մշակութային ընկերութեան Գորտոպա քաղաքի մասնաճյուղում: Բազմամարդ սրահում նա անդրադառնում է հայ հեղափոխական կուսակցութիւններին: Մասնավորապէս, հերքում է առաջ քաշվող այն թեզը, որ իբր հայկական ջարդերի պատասխանատուն հայ հեղափոխականութիւնն էր: Այնինչ՝ Տատրյանը պատմական ստույգ վավերագրերով հաստատում է, որ թուրքերը հայկական ջարդերը ծրագրել էին դեռևս առաջին աշխարհամարտից շատ առաջ և այն գործադրեցին օգտվելով պատերազմի պատեհ առիթից: Անդրադառնալով Հայ դատին՝ նա հատկապէս շեշտում է, որ բարեհաջող լուծման հասնելու համար հայ ժողովուրդը պետք է ապավինի սեփական ուժին և գործի միասնական ու միահամուռ կամքով, իսկ օտարներին պետք է ընկալել որպէս օժանդակ գործոն»⁵²:

⁴⁹ «Ալիք», 30. VIII. 1965:

⁵⁰ «Ալիք», 30. VIII. 1965:

⁵¹ «Արմենիա», 26. VII. 1966:

⁵² «Արմենիա», 30. VII. 1970:

1970 թ. հուլիսի 23-ին արգենտինահայ Համալսարանականների միությունը վարչություն հրավերով Տատրյանը ներկայացնում է «Նոր արխիվային յայտնություններ Մեծ եղեռնի առնչությամբ» դասախոսությունը⁵³: Հայ կենտրոնի սրահում զեկուցելիս ընդգծում է. «Թուրքերու մօտ ազգային գիտակցությունը եւ պատասխանատվության զգացումը այնքան զօրաւոր էին, որ ոչ մէկ թուրք գտնուեցաւ որ այդ մասին նոյնիսկ ակնարկէ իր բարեկամ հայերուն»: Թվարկում է նաև հայերի թերացած կողմերը՝ գիտարկելով հասարակագետի տեսանկյունից, վերագրելով հայ ժողովրդի դարավոր ստրկական վիճակին: Այդ հենքի վրա անդրադառնում է ցեղասպանության ընթացքում հայ լրտեսների, մատնիչների և դավաճանների դերին, որոնց գլխավորը իր իսկ հեղափոխական ընկերներին մատնող և քսան հնչակյան գործիչներին կախաղան առաջնորդող հայ լրտեսն էր⁵⁴:

Ինչպես նշել է Տատրյանն իր ելույթում, երբ 1920 թ. թուրքական բանակը հարձակվում է Հայաստանի Հանրապետության վրա, ճակատագրական այդ օրերին հայտնվում են հայեր, որոնք զենք են վաճառում թուրքերին: Հայ իրականության մեջ նման խնդիրներ վեր հանելու համար Տատրյանն արժանանում է հոգևածագրի՝ Հովսեփ Օղուկյանի քննադատությանը⁵⁵: Այնինչ գիտնականը համարձակություն է ունեցել բարձրաձայնելու հայ իրականության մեջ այս ցավոտ ու կործանարար հարցերը՝ նման նորանոր դրսևորումները կանխելու նպատակով:

1972 թ. նոյեմբերին Տատրյանը⁵⁶ Հայոց ցեղասպանությանն ու զոհագիտությանն առնչվող զեկուցյով ելույթ է ունեցել Կարակասում՝ Միջամերիկյան ոճրագիտության երկրորդ համագումարում⁵⁷: Վ. Տատրյանին հատուկ ճանաչում բերեցին ոճրածին կազմակերպությունների մասին բարձրացրած հարցերը: Նրան ընդունում է Վենեսուելայի նախագահը: Նույն աղբյուրը հայտնում է՝ Տատրյանը ցեղասպանության մասին դասախոսելու հրավերներ է ստանում աշխարհի տարբեր կողմերից: Ծրագրվում էր մի շարք դասախոսություններ կարդալ Արգենտինայում: 1973 թ. մասնակցելու էր Երուսաղեմում նախատեսվող Համաշխարհային Զոհագիտության առաջին գիտաժողովին: Հրավիրված էր նաև համագործակցելու ՄԱԿ-ի ցեղասպանության ուսումնասիրությունների հանձնաժողովի հետ:

Մամուլից տեղեկանում ենք, որ Նյու Յորքի Ջենեսեո Համալսարանում առաջին անգամ, «Համեմատական ցեղասպանագիտություն» դասընթացին զուգահեռ, Տատրյանը շարունակում է իր հասարակական գործունեությունը: Նա գրադրություն է ունեցել Ամերիկյան Կոնգրեսի անդամների հետ: Ապրիլի 24-ը սգո օր հայտարարելու կապակցությամբ առանձին նամակներ է հղել ԱՄՆ-ի ներկայացուցիչների պալատի հանձնախմբերի անդամներին՝ կոչ անելով նաև քվեարկել հօգուտ Հոլոքոստի բանաձևի: Նման առաջարկներ է արել նաև Նյու Յորք նահանգի 39 պետական ներկայացուցիչներին: Հայոց ցեղասպանության 60-րդ տարելիցը ոգեկոչելու նպատակով և 1975 թ. ապրիլի 24-ը

⁵³ «Արմենիա», 22. VII. 1970:

⁵⁴ «Արմենիա», 28. VII. 1970:

⁵⁵ «Արմենիա», 28. VII. 1970:

⁵⁶ «The Armenian Reporter», 07. XII. 1972.

⁵⁷ «Արեւ», 02. V. 1975:

սգո օր հռչակելու համար ԱՄՆ-ի ներկայացուցիչների պալատի առաջարկով Տատրյանն ամփոփ մի զեկույց է պատրաստում, որը հիմք պետք է ծառայեր բանաձև ընդունելու համար: Այսպիսով, Տատրյանի ջանքերով ապրիլի 24-ը համընդհանուր ազգային սգո օր է հռչակվում ԱՄՆ Կոնգրեսի արձանագրության մեջ⁵⁸:

1975 թ. «Ալիք» թերթը ծանուցում է, որ ապրիլի 21-ին Վ. Տատրյանը Սիբիրակուզի համալսարանում հանդես է գալու «Ցեղասպանությունը 20-րդ դարում», իսկ ապրիլի 23-ին դասախոսելու է Նյու Յորքում տեղի ունենալիք կրոնական համագումարում և Կոլումբիայի համալսարանում⁵⁹:

1975 թ. օգոստոսի 25–29-ը Սան Ֆրանցիսկոյում կայանալիք Ամերիկյան հասարակագետների միության տարեկան համագումարի «Համաշխարհային հակամարտությունների սոցիոլոգիա» հատուկ նստաշրջանին մասնակցելու էին մեծ թվով հասարակագետներ: Հրավիրված էր նաև Տատրյանը՝ ներկայացնելու «Միջազգային բախումներում ցեղասպանությունը որպես գործառնություն» զեկույցը՝ ցեղասպանության համապարփակ տեսության վերաբերյալ⁶⁰: Մինչ այդ նա հատուկ հրավերով մասնակցելու էր հուլիսի 1–12-ը Իտալիայում «Զոհագիրություն և ժամանակակից քաղաքակրթության պահանջները» խորագրով գիտական նստաշրջանին, որտեղ բանախոսելու էր ապագա ցեղասպանության կանխարգելումի բարդ հարցի շուրջ⁶¹:

1975 թ. Տատրյանը հրատարակում է միջազգային որոշ բախումների ընթացքում հավանական ցեղասպանածին պայմանները քննող աշխատություն⁶²: Այն ներկայացվելու էր Բեյաշոյում՝ ՆԱՏՕ-ի Զարգացող ուսմունքների ինստիտուտի «Զոհերը և արդի հասարակության կարիքները» խորագրով նույն թվականի հուլիս ամսին կազմակերպվող հատուկ ժողովում⁶³: Ցեղասպանագետի հեղինակությունն ու ճանաչումն այնքան մեծ էին, որ, ինչպես հաղորդվում է, «... մասնագետ եւ ազատ աշխարհը նրան հրաւիրել է ներկայ գտնւելու ՆԱՌՕ-ի կազմակերպած յատուկ ժողովին, քննելու համար ռազմագիտական, տեխնիկական եւ գինւորական գիտական խնդիրները»⁶⁴: Գիտաժողովին մասնակցում էին Ճապոնիայից, Ավստրալիայից, Անգլիայից, Կանադայից ու Եվրոպայից, Ասիայի և Աֆրիկայի մի շարք երկրներից հրավիրյալ մասնագետներ: Վ. Տատրյանը ներկայացնում է ապագա ցեղասպանությունների հավանականությունը կանխատեսելու և այն հնարավորինս կանխարգելելու վերաբերյալ իր առաջարկները: Եվ ահա, նրա նախաձեռնությամբ գիտաժողովի մասնակիցներն ընդունում են մի բանաձև՝ ուղղված այն պետություններին, որոնք դեռ չեն վավերացրել ցեղասպանության դեմ Միացյալ Ազգերի ընդունած դաշինքը՝ անհապաղ այն ընդունելու կոչով: Տատրյանը, որպես տեսական քննադատ, մասնակցում է նաև գիտաժողովի ոճրագիրության ապա-

⁵⁸ «Արեւ», 02. V. 1975: Տե՛ս նաև «Ալիք», 26. IV. 1975:

⁵⁹ «Ալիք», 26. IV. 1975:

⁶⁰ «Ալիք» (Թեհրան), 26. IV. 1975:

⁶¹ «Արեւ», 02. V. 1975:

⁶² Տե՛ս Dadrian. 1975, no. 2, 201–212.

⁶³ «Ալիք», 26. IV. 1975:

⁶⁴ «Ալիք», 26. IV. 1975:

գա հեռանկարների ու ոճրագիտական վարկածների և, հատկապես, հավաքաբար գործած ոճիրների մասին ստորաբաժանման աշխատանքներին:

1975 թ. «Արև» օրաթերթին անդրադարձել է Տատրյանի նույն թվականի հունիս ամսին Բեռլինի համալսարանի Ազգագրության ինստիտուտի բազմամարդ սրահում ցեղասպանության ընդհանուր թեմայի վերաբերյալ գերմաներենով ընդարձակ դասախոսությանը: Հիմնական թեման Հայոց և այլ ցեղասպանությունների մանրամասն և համեմատական վերլուծությունն էր: Նշենք նաև՝ Տատրյան-գիտնականի յուրահատուկ հատկանշական կողմերից մեկն էլ այն էր, որ նա իր դասախոսությունների ժամանակ ելույթ էր ունենում առանց գրառումների. «Ունկնդիրներու վրայ մեծ տպաւորութիւն թողուց Փրօֆ. Տատրեանի բացատիկ այն տաղանդը, որու շնորհիւ ան իր դասախօսութիւնը ներկայացուց ոչ միայն առանց ոեւէ նօթերու օգնութեան, այլեւ գիտական կուռ ոճով»⁶⁵: Նաև՝ «Շատ մը գերման դասախօսներ ուղղակի զարմանք և հիացում յայտնեցին, որ օտար մը այսքան բարձր մակարդակով կրնար գերմաներէն լեզուով դասախօսութիւն մը տալ առանց օգտուելու գրաւոր նօթերէ և յենելով միայն իր յիշողութեան և կազմակերպուած մտքի վրայ»⁶⁶:

1976 թ. Ամերիկյան հասարակագետների միության նորընտիր նախագահ Ալֆրեդ Մաք-Քլանկին Տատրյանին հրավիրում է կազմակերպելու և նախագահելու Համագումարի ցեղասպանությանը նվիրված հատուկ նստաշրջանը: «Արև» օրաթերթը գրում է. «Սա առաջին անգամն է, որ Միությունը, գնահատելով փրօֆ. Տատրեանի ընկերաբանական աշխատանքները կը ճանչնայ ցեղասպանութիւնը իբրեւ վաւերական ընկերաբանական նիւթ եւ կը տնօրինէ կազմակերպումը յատուկ նստաշրջանի մը»⁶⁷: Օգոստոսի 30-ին տեղի ունեցած այդ նստաշրջանում գիտնական-ցեղասպանագետն իր վերլուծական ելույթում լուսաբանում է թուրքերի գործադրած տանջանքի և ահաբեկության դերը Հայոց ցեղասպանության ընթացքում⁶⁸:

Սեպտեմբերի 5-ին այս նույն թեման Տատրյանը ներկայացնում է Վաշինգտոնի Ամերիկյան հասարակագետ-հոգեբանների ընկերության տարեկան համագումարում՝ մեծ տպավորություն թողնելով: «Արև» օրաթերթը նաև հայտնում է. «... Վ. Տատրեան կուռ ոճով մը և առանց օգտուելու նոթագրութիւններէ, ներկայացուց ուժեղ կազմակերպուած թեզ մը Հայկական ցեղասպանութեան մասնայատուկ մէկ հանգամանքի մասին»: Հայ ցեղասպանագետը ընդգծում է տանջանքի և ահաբեկման տարաբնույթ եղանակները և դրանց նպաստող հասարակական պայմանները: Նաև նշում է, որ շարունակաբար անտեսվում է Հայոց ցեղասպանությունը»⁶⁹:

1980 թ. օգոստոսի 5–9-ը Փրանսիայի Լա Նափուլ գյուղաքաղաքում ցեղասպանագիտությանը վերաբերող գիտաժողովում, տասնչորս հեղինակավոր հրեա գիտնականների մեջ միակ հայը պրոֆեսոր Տատրյանն էր: Այդ ժամանակ նա Նյու Յորքի նահանգային համալսարանում հասարակագիտության դասախոս էր: Գիտաժողովին նա ընդարձակ զեկույցով մանրամասնում է

⁶⁵ «Արև», 11. VIII. 1975:

⁶⁶ «Արև», 11. VIII. 1975:

⁶⁷ «Արև», 02. V. 1975:

⁶⁸ «Արև», 13. X. 1976:

⁶⁹ «Արև», 13. X. 1976:

Հայոց ցեղասպանության թե՛ հասարակական, և թե՛ յուրահատուկ հատկանիշները՝ չեղտելով. ««Իւրայատկութիւնը» ցեղասպանութեան զոհ որևէ ազգի մը փորձառութեան բնագաւառին մէկ անբաժան մասը կը կազմէ. որով, ցեղասպանութեան ստորոգելիները թե հասարակ յայտարարներով, և թէ իւրայատուկ հանգամանքներով կը բնորոշուին»⁷⁰: Բանավեճի ժամանակ խորայելցի մի շարք պատմաբաններ համառորեն պնդում են, որ հրեական «Ողջակիզումը» պետք է տարրորջել Հայոց ցեղասպանությունից: Տատրյանն իր զարմանքն ու ցավն է հայտնում, որ այդ պնդողները որքան քիչ և հարևանցիորեն են ուսումնասիրել Հայոց ցեղասպանությունը: Երուսաղեմի Հրեական համալսարանի հրեագիտության բաժնի վարիչ Եհուդա Բաուերն ընդունում է, որ իրենք քիչ բան գիտեն Հայոց ցեղասպանության մասին և հավանական է, որ հայերի ու հրեաների հանգամանքները համեմատելի են: Գիտաժողովին մասնակից մի շարք ամերիկացի հրեա պրոֆեսորներ, որոնց առաջնորդում էր Յեյլի համալսարանի ամերիկացի հրեա գիտնական, հայտնի հոգեբույժ Ռոբերտ Լիֆթինը (նա պատրաստում էր ընդարձակ հատոր՝ բժիշկների հանցավոր դերը ցեղասպանության իրականացման մեջ [թեմայով], չեղտում են, որ չպետք է տարվել ու սևեռվել հրեական Ողջակիզումի տարանջատումով ու բացառիկ զոհի բարդությունով: Տատրյանն իր երկրորդ ելույթում բացատրում է երկու թուրք բժիշկների՝ Բեհադդին Շաքիրի և Նազրմի ունեցած որոշիչ դերը Հայոց ցեղասպանության կանխամտածման, ծրագրման և իրագործման մեջ: Ներկայացնում է փաստեր Էրզրումի գինվորական հիվանդանոցում կատարված իբր ժանտախտի դեմ փորձարկումների հետևանքով անթիվ հայերի զոհվելու փաստերը, հիշատակում է նաև Տրապիզոնի Պետական հիվանդանոցի թուրք բժշկի դահձային մասնակցությունը. նա հիվանդանոցում թունավորել էր հարյուրավոր երեխաների, ապա նրանց նետել Սև ծովը: Տատրյանի բերած այս տեղեկությունները նորություն էին մասնակիցների համար: Հետագայում գիտնականն այդ թեմայով հրատարակում է արժեքավոր հոդված⁷¹:

Հայտնություն էր նաև, երբ Տատրյանը գիտաժողովում բացատրում է Հայոց ցեղասպանության իրագործման մեջ բանտերից դիտավորյալ ազատ արձակված ոճրագործների ունեցած բացառիկ դերի մասին:

Եզրափակիչ նիստում Տատրյանն իր գեկուցումը սկսում է Արիստոտելին հղելով՝ «Երբ մարդը անջատվում է օրենքի և արդարադատության կապանքներից, դառնում է վատթարագույն մի անասուն»: Ընդգծում է նաև մարդկային պատմության ողբերգական հանգրվանները, որոնք պայմանավորված են ատելության և դաժանության կրքերի գերակշիռ տարողությամբ: Հայոց ցեղասպանությունը բնորոշում է որպես մարդկային արդարության մղձավանջ և մարդկության սկզբունքների սնանկացման շունդալից փաստ: Ապա Տատրյանը հայտարարում է. «Իբրեւ հայ, չեմ վարանիր արտայայտելու իմ խորամաստ յոռետեսությունը մարդկության ապագայի մասին: Այս իմաստով կը համարձակիմ նոյնիսկ յայտարարել, որ անհաւանական կամ անկարելի պէտք չէ նկատել պայմաններու յեղաշրջումով մը Գերմանացիներու դիմադարձու-

⁷⁰ «Արեւ», 26. VIII. 1980:

⁷¹ Dadrian. 1986, 169–192.

թիւնը»⁷²: Ավելացնում է նաև, որ չի բացառվում մի օր Գերմանիան կրկին որդեգրի նացիզմը և կանգնեցնի Հիտլերի արձանը՝ նրան հայտարարելով ազգային հերոս: Միգուցե այն ժամանակ հրեա գործընկերները հասկանան հայերի «հոգեկան լուծը և անսահման թախիծը», գնահատեն այն իրողությունը, որ եթե Գերմանիան հաղթեր, հրեաները հայտնվելու էին հայերի վիճակում: Նրանք ևս պետք է տանջվեին ու չարչարվեին իրենց զոհ-ազգ ներկայացնելու համար, թերևս այն ժամանակ կհասկանային, թե ինչ են զգում հայերը՝ տեսնելով Թալեաթի հուշարձանը կամ Անկարայում նրա անունով փողոց⁷³:

1995 թ. Հայոց ցեղասպանության 80-րդ տարելիցին երևանում տեղի ունեցած միջազգային գիտաժողովում Տատրյանը տեսական հիմնավորումներով ու փաստերով ներկայացնում է Հայոց ցեղասպանությունը՝ որպես պետական ոճիր («state crime») ⁷⁴: 1997 թ. ապրիլի 17–29-ն Ավստրալիայի Մելբուրն քաղաքում նրան հյուրընկալում են Ցեղասպանությունների համեմատական ուսումնասիրությունների կենտրոնը և Հայոց ցեղասպանության ոգեկոչման հանձնախումբը՝ որպես ցեղասպանության 82-րդ տարելիցի ոգեկոչման գլխավոր բանախոս: Տեխնոլոգիական համալսարանում հայ և հույն գիտնականների ու գիտաշխատողների ներկայությամբ զեկուցում է «Օսմանյան կայսրության անկման օրերին ազգայնական հակամարտությունների դերի» մասին: Ապրիլի 22-ին Նյու Սաութ Վելզ նահանգում դասախոսում է «Ահաբեկչությունը որպես ցեղասպանության նախերգանք» թեմայով: Հանդիպումներ է ունենում ավստրալիական քաղաքական շրջանակների, Նյու Սաութ Վելզ նահանգի ընդդիմադիրների առաջնորդ Փ. Քոլինզի հետ:

Նահանգային խորհրդարանում Տատրյանը ներկայացնում է ցեղասպանության վերաբերյալ իր ուսումնասիրությունները: Այդ հանդիպմանը մասնակցում էին հայ համայնքի և Ավստրալիայի Հայ դատի հանձնախմբի ներկայացուցիչները: Ապրիլի 24-ին Վելզ քաղաքում նահանգի բարձրաստիճան պաշտոնյաների և 1500 մասնակցի ներկայությամբ գիտնական-ցեղասպանագետը իր ելույթում պարզաբանում է մեծ ուժերի անտարբերության ու ոճրագործների անպատժելիության իրողությունը, որը թույլ տվեց ցեղասպանության շարունակությունը: Հանդիպմանը ելույթ է ունենում նաև նահանգի վարչապետ Բոբ Քարը՝ դատապարտելով Հայոց ցեղասպանության ժխտումը՝ պահանջելով, որ Գերմանիայի նման Թուրքիան ևս պետք է ճանաչի իր ոճիրը և կատարի համապատասխան հատուցում: Ապրիլի 26-ին Տատրյանը հայերեն դասախոսում է «Հայ-թուրքական հարաբերությունների հեռանկարը ցեղասպանական հանցանքի ներքո» թեմայով, իսկ ապրիլի 26-ին՝ Ցեղասպանությունների համեմատական ուսումնասիրությունների կենտրոնում խոսում է Գերմանիայի պատասխանատվության մասին: Շուրջ 300 հոգու ներկայությամբ հիմնարար վերլուծություններով ապացուցում է Հայոց ցեղասպանությանը գերմանացիների ուղղակի մասնակցությունը՝ ցույց տալով, որ այդ «հաջողությունը» հրեական Ողջակիզումի նախատիպը դարձավ: Առաջադրում է մի շատ կարևոր թեզ. ժողովրդավար Գերմանիան ժամանակի ընթաց-

⁷² Dadrian. 1986, 169–192.

⁷³ Dadrian. 1986, 169–192.

⁷⁴ Տատրյան. 1995, 107–133, Dadrian. 1999, 92–124.

քում պետք է ճանաչի Հայոց ցեղասպանության իր մեղսակցությունը, ինչպես որ այն արել է այլ առիթներով: Ըստ նրա՝ այդ քայլն ավելի կմեծացնի թուրքիայի կողմից Հայոց ցեղասպանության ճանաչման հավանականությունը: Սիդնեյում Խաղաղության և հակամարտության ուսումնասիրությունների կենտրոնում, գեկուցում է «Զանգվածային բռնությունը՝ որպես պետական ուժի գործիք» թեմայով: «Ցեղասպանության քաղաքականություն» դասընթացի շրջանակում Տատրյանը վերլուծում է Հայոց ցեղասպանության և Հոլոքոստի համեմատական կողմերը⁷⁵:

Վ. Տատրյանի գիտական ուսումնասիրությունների հիմնախնդիրների ուրվագիծ

Մեծանուն գիտնականը, տարիների անխոնջ աշխատանքի շնորհիվ, գիտական նոր մակարդակի բարձրացնելով և բազմակողմանի խորքային քննության ենթարկելով Հայոց ցեղասպանության իրողության ուսումնասիրությունը, իր աշխատություններում առաջադրում է նոր հիմնահարցեր ու հարցադրումներ: Նրա յուրաքանչյուր հետազոտության վերնագիրն ինքնին համապարփակ գիտաբանական սահմանում է: Եթե համառոտ ուրվագծենք Տատրյանի հետազոտությունների ընդգրկած ժամանակագրությունը, ապա, ինչպես ցույց է տալիս նրա՝ 1995 թ. լույս տեսած «Հայոց ցեղասպանության պատմությունը. էթնիկ հակամարտություն Բալկաններից մինչև Անատոլիա և Կովկաս» կոթողային ուսումնասիրությունը, ցեղասպանագետը քննության է ենթարկել XIX դարում Հայկական հարցի ծագման պատմաքաղաքական հանգամանքները, այդ շրջանում եվրոպական տերությունների կողմից Օսմանյան կայսրության ազգերի ինքնագիտակցության արթնացման խթաններն ու նպատակները, որոնք ևս էապես սրել են հայ-թուրքական հակամարտությունը: Նախացեղասպանական այդ միջավայրում էր, որ արդուհամիդյան վարչակարգը 1894–1896 թթ. իրականացնում է հայերի զանգվածային կոտորածները: Պատմաբան-ցեղասպանագետի բնութագրմամբ՝ «Սասունից մինչև Կոստանդնուպոլիս, այնտեղից էլ մինչև շրջաններ թե՛ մարդկային, և թե՛ նյութական ոչնչացման կայուն աճ էր նկատվում, և ջարդերի այս ավելացումներն են հասցնում Առաջին համաշխարհային պատերազմի ընթացքում տեղի ունեցած ցեղասպանությանը, որն այդ կոտորածների գագաթնակետն էր: Իսկ կոտորածների հիմնական մեխանիզմն այն է, որ դրանց պատասխանատուները վստահ էին, որ մինչև վերջ անպատիժ են մնալու»⁷⁶:

1894 թ. Սասունի կոտորածն օսմանյան պատմության մեջ հայերի առաջին կազմակերպված զանգվածային սպանդն էր և պայմանավորված չէր որևէ արտաքին պատերազմի հետ⁷⁷: 1915 թ. երիտթուրքերի իրազործած Հայոց ցեղասպանությունը Տատրյանը դիտարկում է որպես արդուհամիդյան կոտորածների պատմական շարունակություն, որի ներսում դահիճ-զոհ հարաբե-

⁷⁵ «Արմենիա» (Սիդնեյ), 07. V. 1997:

⁷⁶ Dadrian. 1995, 123.

⁷⁷ Dadrian. 1995, 123.

րության հանցավոր բնույթը ոչ միայն պահպանվել էր, այլև տարիների ընթացքում ընդգծվել՝ հասնելով հայերի ամբողջական ոչնչացմանը⁷⁸:

Հետագոտելով այդ շրջանի եվրոպական դիվանագետների գեկույցները՝ նա եզրահանգում է, որ կենտրոնական իշխանությունները՝ անձամբ սուլթան Աբդուլ Համիդը, մասնակից էին կոտորածների կազմակերպմանը: Այն հարցին, թե ինչպիսին էր տերությունների հակազդեցությունը, Տատրյանը պատասխանում է, որ վերջիններս այդպես էլ չդիմեցին որևէ քայլի՝ պաշտպանելու հայերին: Հերթական անգամ նրանք չկարողացան առաջարկել ավելի լավ լուծում, քան ամուլ «Մայիսյան բարենորոգումների նախագիծը»⁷⁹: Յեղասպանագետը 1894–1896 թթ. կոտորածները որակում է որպես ապագայի «նախագիծը»⁸⁰: Նա նաև առաջիններից մեկն էր, ով Աբդուլ Համիդի ծրագրած և իրականացրած 300.000 հայերի սպանողն անվանեց «նախագիծ»⁸¹:

Ըստ Տատրյանի՝ հայ հեղափոխական կուսակցությունների հիմնումը և գործողությունները նաև հետևանք էին բարենորոգումների իրականացման հարցում եվրոպական տերությունների անկարողությանը: Այդ էր պատճառը, որ 1896 թ. օգոստոսի 13-ին դաշնակցականները գրավում են Օսմանյան բանկը⁸²: Ըստ Տատրյանի՝ եվրոպական տերությունների նախապատերազմյան բարենորոգումների ջանքերն էական դրական դեր չխաղացին հայերի համար: Ինչպես եզրահանգում է գիտնականը, «19-րդ դարում «եվրոպական համախառն»՝ «Մարդասիրական միջամտությունը», որն ուներ հայերին պաշտպանելու նպատակ, հիմնականում ձախողվեց, քանի որ ներգրավված տերություններն անհրաժեշտ ուշադրություն չդարձրեցին սոցիալ-քաղաքական գործոններին, որոնք հայերին մղել էին ենթակա կարգավիճակի: Չկարողանալով հաշվի առնել այդ կենտրոնական գործոնները՝ եվրոպացիներն օսմանյան պետությունը թույլատրեցին հետապնդելու ավելի համապատասխան, բայց շատ ավելի նվազ արդյունավետ ուղի՝ առ ի հակազդեցություն այն տազնապին, որն առաջացնում էր սոցիալ-քաղաքական այդ համակարգը»⁸³:

1909 թ. Ադանայի կոտորածը Տատրյանը բնորոշում է՝ «Փորձաքար անպատիժ կոտորած մը» և «որպես նախաքայլ Առաջին համաշխարհային պատերազմի ցեղասպանության»: Փաստական և տեսական վերլուծությամբ նա վեր է հանում պետության ու կուսակցության միաձույլ դերը Հայոց ցեղասպանության մեջ⁸⁴: Համեմատելով աբդուլհամիդյան ռեժիմի և երիտթուրքերի մինչ ցեղասպանական գործողությունները՝ ցեղասպանագետ-գիտնականն ուղղակի անքակտելի կապ է տեսնում 1915 թ. օսմանյան իշխանությունների իրականացրած Հայոց ցեղասպանության հետ: Առաջարկելով «ցեղասպանության պարադիգմայի» հայեցակարգը՝ պատմաբանը տարրորոշում է դիտա-

⁷⁸ Dadrian. 1995, 154.

⁷⁹ Dadrian. 1995, 119.

⁸⁰ Dadrian. 1995, 117.

⁸¹ Dadrian. 1995, 111–116; Ս ա Ֆ Ր ա ս տ յ ա ն. 2009, 38:

⁸² Dadrian. 1995, 138–142.

⁸³ Dadrian. 1995, 379.

⁸⁴ Տ ա տ Ր ե ա ն. 2012, 110:

վորության երկու փուլեր՝ «Նախնական» և «վերջնական»՝ փաստելով դրանց միջև օրգանական կապը⁸⁵:

Հետագոտելով Հայոց ցեղասպանության պատճառներն ու հետևանքները՝ Վ. Տատրյանը քննադատում է հայերի «սադրիչ» վարքագծի մասին թուրքական մտացածին տեսությունը, ժխտում օսմանյան կառավարության նկատմամբ հայերի անհավատարմության թեզը, ցույց տալիս օսմանյան իշխանությունների հանցագործ էությունը, վերլուծում 1914–1918 թթ. տեղի ունեցած իրադարձությունների նկատմամբ եվրոպական պետությունների դիրքորոշումները⁸⁶:

Ցեղասպանագետը քննել է հայության ոչնչացմանն ուղղված օսմանյան իշխանության մի շարք որոշումներ և անգլերեն թարգմանությամբ շրջանառել (1914 թ. դեկտեմբեր–1915 թ. հունվար ամիսներին) մի խումբ պետական գործիչների ու թալեաթի ղեկավարությամբ ընդունված ցեղասպանության պետական ծրագիրը, որի թիրախում էր նաև հայ ժողովուրդը. այն գոյություն է ունեցել երեք փաստաթղթի տեսքով: Այդ որոշումները հայտնի էին «10 պատվիրաններ» անունով⁸⁷:

Տատրյանը կարևոր եզրակացությունների է հանգել 1995 թ. լույս տեսած իր «Հայոց ցեղասպանությունը խորհրդարանային եւ պատմագիտական քննարկումներով» գրքում՝ “Teşkilâtı Mahsusa”-ի («Հատուկ կազմակերպության») էությունն ու նպատակը լուսաբանելիս⁸⁸: Թուրքական այն տեսակետներին, որ իբր կազմակերպությունը ստեղծվել էր կայսրության «անջատողական» կամ «կենտրոնախույս տարրերը» զսպելու նպատակով⁸⁹, արխիվային վավերագրի հիման վրա բացահայտում է այդ կազմակերպության ուղղակի մասնակցությունը հայության ոչնչացմանը: Այն գործել է խիստ գաղտնաբար և միտումնավոր՝ գրեթե գրազրույցում չունենալով կենտրոնական իշխանության հետ, որպեսզի վերջինս հետագայում հնարավորություն ունենա ժխտելու իր պատասխանատվությունը⁹⁰:

Տատրյանը քննել է նաև «Տեղահանության օրենքը» և ունեցրկմանն առնչվող խնդիրները⁹¹: Ուսումնասիրել է արդուհամիդյան կոտորածների և Հայոց ցեղասպանության ժողովրդագրությունը⁹², ինչպես նաև՝ երեխաների ճակատագիրը՝ որպես զոհեր⁹³:

Ցեղասպանագետ-գիտնականի հետագոտության առանցքային հարցերից էին Հայոց ցեղասպանությունն իրագործած հանցագործներին պատժելու նպատակով 1918 թ. դեկտեմբերին հիմնված Ռազմական արտակարգ ատյանի

⁸⁵ Dadrian. 1990, 143.

⁸⁶ Տ ա տ Ր ե ա ն. 1995, 50–51:

⁸⁷ Dadrian. 1993, no. 1, 174–175. Այդ փաստաթղթի գոյության մասին հայտնի է դարձել 1919 թ. Կ. Պոլսի հայկական մամուլից: Հայերեն թարգմ. տե՛ս Ս ա Ք Ր ա ս տ յ ա ն. 2009, 168:

⁸⁸ Տ ա տ Ր ե ա ն. 1995, 127–131: Տե՛ս նաև Dadrian. 1993, 257–288.

⁸⁹ Dadrian. 1993, 5.

⁹⁰ Dadrian. 1993, 32.

⁹¹ Տ ա տ Ր ե ա ն. 2012, 65–70:

⁹² Տ ա տ Ր ե ա ն. 2003, 144:

⁹³ Dadrian. 2003, vol. 5, no. 3, 421–427.

և Անկարայի նախկին կուսակալ Մազհար բեյի նախագահությամբ հարցաքննիչ հանձնաժողովի՝ ոճրագործների հարցաքննությունները։ Ուսումնասիրել է նաև այդ նույն դատական գործընթացները, ոճրագործների նկատմամբ քրեական դատ բացելու համար Օսմանյան երեսփոխանական ժողովի (Meclisi Mebusan) նիստերի արձանագրությունները։ Տատրյանը, հիմք ընդունելով հայ, հույն և թուրք երեսփոխանների ու նախարարների ելույթների սղագրությունները, հաստատում է, որ դրանք ուղղակի վկայություններ են՝ հայերի հանդեպ գործված ոճրագործությունների⁹⁴։ 1919–1920 թթ. Ռազմական արտակարգ ատյանը, արձակելով մի շարք ամբաստանազրեր և վճիռներ, հաստատեց, որ Հայոց ցեղասպանությունը կանխամտածված, ծրագրված ոճիր էր՝ իրականացված իթթիհաթական կուսակցության Կենտրոնական կոմիտեի և նահանգների իշխանությունների միջոցով⁹⁵։ Ինչպես եզրահանգում է Տատրյանը, խորհրդարանի այս նիստերի ուսումնասիրությունն «ունի անսուղոր հանգամանք»։ մասնակցում էին նաև հայ վեց երեսփոխան։ Տեղի են ունեցել մանրամասն խոստովանություններ, գղջումի արտահայտություններ և ելք գտնելու անհրաժեշտության հավաստիքներ։ Թուրքիայի պատմության մեջ առաջին և վերջին անգամ խորհրդարանային մակարդակով քննարկման նյութ դարձավ հայերի դեմ ծրագրված և իրագործած ոճիրը⁹⁶։ Նշենք, որ քեմալականների իշխանության գալով՝ դատական այդ գործընթացները դադարում են։

Պատմական ընդարձակ փաստերի հիման վրա ներկայացնելով Մեծ տեղությունների և Օսմանյան կայսրության չահերի բախումների կիզակետում հայտնված Հայկական հարցը՝ Տատրյանը եզրակացնում է՝ Դաշնակիցները, որոնք պարտության էին մատնել օսմանյան բանակին, չկարողացան կամ չցանկացան արգելել նման զանգվածային ոճիրը. «Աւելին, անոնք ձախողեցան պատժելու ոճրագործները պատերազմի վաղորդային, հակառակ որ հրապարակալ յանձնառու եղած էին պատիժ սահմանելու անոնց»⁹⁷։

Մեծանուն գիտնականի հետազոտության ծիրում էր նաև Հայոց ցեղասպանությունն իրագործողների, այդ ոճիրը կանխելու և պատժելու ձախողումների իրավական և քաղաքական, Հայոց ցեղասպանության որպես ազգային ու միջազգային իրավունքի և օրենքի խնդիրը⁹⁸։ Նա վեր է հանել նաև օսմանյան հասարակությունը ձևավորող իսլամական դրույթներն ու կրոնական այն համոզմունքները, որոնք մղել են թուրքերին տապալելու Եվրոպայի և հայերի մարդասիրական ջանքերը⁹⁹։

Վ. Տատրյանի քննության առարկա են նաև դարձել Հայկական հարցը և Առաջին համաշխարհային պատերազմի ընթացքում Հայոց ցեղասպանությունը՝ վավերագրված Օսմանյան կայսրության դաշնակիցների՝ Գերմանիայի և Ավստրո-Հունգարիայի կողմից, ինչպես նաև թուրքական պաշտոնական աղբ-

⁹⁴ Տ ա տ Ր ե ա ն. 1995, 147:

⁹⁵ Տ ա տ Ր ե ա ն. 1995, 6–102, Dadrian. 1995, 79–106.

⁹⁶ Տ ա տ Ր ե ա ն. 1995, 89:

⁹⁷ Տ ա տ Ր ե ա ն. 2012, 4:

⁹⁸ Dadrian. 1989, 221–334; Dadrian. 1995, 62–72.

⁹⁹ Dadrian. 1989, 230–234. Տե՛ս նաև Dadrian. 1995, 62–72.

յուրենրը¹⁰⁰: Եվ 1996 թ. Վ. Տատրյանն այս արխիվների հիման վրա հրատարակում է «Գերմանիայի պատասխանատվությունը Հայերի ցեղասպանության մեջ. գերմանական մեղսակցության պատմական ապացույցների ակնարկ» ծավալուն աշխատությունը, որում բացահայտում է թուրք-գերմանական ռազմական դաշինքի պայմանները, դրանց զարգացումները, այդ համապատկերում Գերմանիայի «ուղղակի և անուղղակի» ներգրավվածությունը Հայոց ցեղասպանության մեջ¹⁰¹:

Արևելյան Հայաստան քեմալականների ներխուժումը, անվանի գիտնականի բնորոշմամբ, Հայերի ցեղասպանության շարունակականության և հայկական պետականության ոչնչացման ծրագիր էր: Ամենևին պատահական չի համարում արտերկրի փախած հանցագործ երիտթուրք կուսակցության պարագլուխներ Թալեաթ և Էնվեր փաշաների, Բեհադեդին Շաքիր բեյի՝ այդ հարձակումից ոգևորված ողջունի նամակները՝ ուղղված թուրքական բանակի Կովկասյան կորպուսի հրամանատար Մուստաֆա Քեմալին ու Քաղվադ Քալբեքիր փաշային¹⁰²:

Վ. Տատրյանը հանգամանորեն վերլուծել է Հայոց ցեղասպանության իրողությունների թուրքական «ժխտողականության սինդրոմը»¹⁰³ բացահայտելով թուրքական կեղծարարության բիրտ գինանոցը¹⁰⁴: Ինչպես գրում է պատմաբանը. «Ամեն մի ճիգ՝ ուղղված ցեղասպանության իրողության ապացույցին, հանդիպելու է «թուրքական ժխտման սինդրոմին»: Փաստորեն, թուրքերն իրենց ժխտողական քաղաքականության մեջ այնքան հեռու են գնացել, որ այն դառնում է ուսումնասիրման առանձին դաշտ: Խնդիրն է՛լ ավելի է բարդանում, քանի որ որոշ տեսաբանների կարծիքով «ժխտումը ոչ մի ապացույց չի պահանջում»: Փաստորեն, հիմնական ծանրությունն ընկնում է հակառակ կողմի վրա, որը հակված է ապացույցելու ցեղասպանության փաստը¹⁰⁵:

Ցեղասպանագետը նաև առաջին հայ գիտնականն էր, ով համեմատական քննության է ենթարկել Հայոց ցեղասպանության և Հոլոքոստի առանձնահատկությունները՝ զոհագիրտության տեսանկյունից¹⁰⁶:

Տատրյանի ուսումնասիրած հարցերը համապարփակ ժամանակագրական զարգացումով ներկայացնում են 1995 թ. լույս տեսած «Հայոց ցեղասպանության պատմությունը. էթնիկ հակամարտություն Բալկաններից մինչև Անատոլիա և Կովկաս»¹⁰⁷ կոթողային ուսումնասիրությունը: Այն թարգմանվել է տարբեր լեզուներով, այդ թվում՝ թուրքերեն¹⁰⁸: 1998 թ. լույս է տեսնում

¹⁰⁰ Dadrian. 2005, 384.

¹⁰¹ Dadrian. 1996.

¹⁰² Dadrian. 1995, 363.

¹⁰³ Dadrian. 2003, Vol. 5, no. 2, 269–279.

¹⁰⁴ Dadrian. 1999. Տե՛ս նույնի հայերեն թարգմ. Տատրյան. 2003, 136–137:

¹⁰⁵ Տատրյան. 2003, 136–168:

¹⁰⁶ Dadrian. 1975, vol. 4, 99–120. Dadrian. 1995, 394–419.

¹⁰⁷ Dadrian. 1995.

¹⁰⁸ Dadrian. 1995. Հայոց ցեղասպանության 80-րդ տարելիցի առթիվ Ստամբուլում թուրքերենով լույս տեսած սույն գիրքը սկզբնական շրջանում դատական

Տատրյանի «Գեղասպանության հրաման: Թուրք-հայկական հակամարտության հիմնական տարրերը» նոր աշխատությունը¹⁰⁹:

Խիստ արդիական է Տատրյանի հետևյալ եզրակացությունը. մարդկության դեմ իրագործված հանցագործությունը չի կարող սահմանափակվել հանցագործ-գոհ փոխհարաբերությամբ: Ուստի միջազգային իրավունքի նորմերի կատարման ապահովման համար պարտադիր է միջազգային հանրության ակտիվ մասնակցությունը: Ժողովրդավար պետությունների կրավորական և դիտորդի կեցվածքն անթույլատրելի է, քանի որ պատմությունն ապացուցել է, որ այն, ի վերջո, պարարտ հող է ստեղծում ժխտողականության, անպատժելիության, արդարության ոտնահարման համար և անուղղակիորեն նպաստում է ներկայումս ու ապագայում այդ տեսակի հանցագործությունների կրկնությանը: Ինչպես գրում է մեծ ցեղասպանագետը, անհրաժեշտ է Հայոց ցեղասպանությունից դասեր քաղել՝ ապագայում նման զանգվածային ոճիրները կանխարգելելու համար¹¹⁰:

Եզրակացություն

Այսպիսով, Հայոց ցեղասպանության ուսումնասիրության ռահվիրա, ականավոր գիտնական Վահագն Տատրյանի՝ նոր մեթոդաբանությամբ արված ուսումնասիրությունները ևս մեկ անգամ փաստում և ամրագրում են Հայոց ցեղասպանության կանխամտածված լինելու իրողությունը: Նրա աշխատությունները հիմնարար գիտական լինելուց բացի ունեն քաղաքագիտական արժեք: Գիտական շրջանառության մեջ դնելով արխիվային մեծաքանակ նյութ Համեմատական ցեղասպանագիտության տեսությունների ու մեթոդի կիրառմամբ, նա ոչ միայն իր քննած հիմնահարցերի արդյունքները հասանելի էր դարձնում միջազգային գիտական և այլ հարթակներում, այլև Սփյուռքի հայ համայնքներին ու Հայաստանին: Տատրյանն առաջին անգամ շրջանառության մեջ դնելով հույժ կարևոր վավերագրեր, պատմական հենքի վրա փաստական այդ նյութերը քննել է միջազգային իրավունքի, քրեագիտության, հասարակագիտության և ոճրագիտության տեսանկյունից՝ միաժամանակ ստեղծելով Հայոց ցեղասպանությունը գիտականորեն բնութագրող եզրույթներ ու սահմանումներ: Նա իր աշխատություններով անհերքելի ներդրում ունի Հայոց ցեղասպանության ճանաչման և դատապարտման գործընթացում իրավական ամուր հենք ստեղծելով հատուցման համար:

Տատրյանը, կերտելով ցեղասպանության գիտականացման պատմությունը, նաև գործուն մասնակցություն է ունեցել կրթական գործում՝ ստեղծելով ցեղասպանության առնչվող նոր դասընթացներ: Վաստակաշատ պատմաբանի կյանքի և գիտական գործունեության ուսումնասիրությունը մեզ կրկին առերեսում է այն պատմաքաղաքական հիմնախնդիրներին, որոնք ցայսօր լուծում չեն ստացել և գոյաբանական վտանգ են Հայաստանի Հանրապետության, Արցախի և Սփյուռքի համար:

Հատուկ վճռով արգելվում է, սակայն թուրքական վճռաբեկ դատարանը բեկանում է վճիռը (տե՛ս Պ ո ղ ո ս յ ա ն. 2001, 49):

¹⁰⁹ Dadrian. 1998.

¹¹⁰ Dadrian. 1998, 229.

Լուսինե Սահակյան – Բ. Գ. Թ., ԵՊՀ թյուրքագիտության ամբիոնի դոցենտ, ԵՊՀ-ի Հայագիտական հետազոտությունների ինստիտուտի Հայ-օսմանական առնչությունների բաժնի վարիչ: Գիտական հետաքրքրությունները՝ պատմական ժողովրդագրություն, տեղանվանագիտություն, համհենահայերի պատմություն, Օսմանյան կայսրության էթնոքաղաքականություն, Հայոց ցեղասպանություն, Հայկական հարց: Հեղինակ է 6 գրքի և 50-ից ավելի հոդվածի: lsahakyan@ysu.am

ԳՐԱԿԱՆՈՒԹՅՈՒՆ

Աքչամ Թ. 2019, Սպանության հրամաններ, Թալեաթ փաշայի հեռագրերն ու Հայոց ցեղասպանությունը (թարգմ. անգլ.՝ Անդրանիկ Իսրայելյան), Երևան, «Նյունեզ», 408 էջ:

Գրիկեր. 1980, Եոզղատի հայասպանության վաերագրական պատմություն, Նիւ Եորք, «Ոսկետառ» հրատ., 468 էջ:

Դադրյան Վ. 2012, Հայոց ցեղասպանությունը ազգային և միջազգային իրավունքի երկակի հիմնախնդիր (անգլ. թարգմ.՝ Ա. Բեժանյանի, հայերեն թարգմ. խմբ.՝ Լ. Սահակյան), Երևան, ԵՊՀ հրատ., 44 էջ:

Ջալեն Արքեպս. 1947, Պատրիարքական Յուշերս. Վավերագիրներ եւ վկայություններ, Գահիրէ, տպ. «Նոր Աստղ», 424 էջ:

Հայաստանի և հարակից շրջանների տեղանունների բառարան. 1991, հ. 3, Երևան, ԵՊՀ հրատ., 991 էջ:

Հայ ուսուցիչ մը համալսարանին մէջ. – «Պայքար» (Բոստոն), 28. VIII. 1957:

Հայերի ցեղասպանությունը ըստ երիտթուրքերի դատավարության փաստաթղթերի. 1989, առաջ., թարգմ. և ծանոթ. Ա. Հ. Փափազյանի, Երևան, ՀՍՍՀ ԳԱ հրատ., 255 էջ:

Մարտիկեան Ճ. 1957, Երգն Ամերիկայի. – Մատենաշար «Համազգայինի», Պէյրութ, 436 էջ:

Մանուկյան Ս. 2019, Ցեղասպանագիտության դասականը. Վահագն Դադրյանի պայծառ հիշատակին. – «Վէմ» (Երեւան), թիւ 3, էջ 178–192:

Պողոսյան Ս. 2001, Վահագն Տատրյան (կենսագրական տվյալներ). – «Հայոց ցեղասպանության պատմության և պատմագրության հարցեր», Երևան, թիվ 3, ՀՀ ԳԱԱ Հայոց ցեղասպանության թանգարան-ինստիտուտ, էջ 3–50:

Պրոֆ. Տատրեանի ցեղասպանության վերաբերեալ ուսումնասիրությունն ընդունեց. – «Ալիք» (Թեհրան), 26. III. 1975:

Սահակյան Լ. 2022, Երուսաղեմի Հայոց պատրիարքարանում պահվող «Տեղեկատու դիվանի» Հայկական հարցի և Հայոց ցեղասպանության արխիվի պատմությունը և «Բովանդակությունը» . – «Հայագիտության հարցեր» (Երևան), 1 (22), էջ 3–32:

Սաֆրաստյան Ռ. 2009, Օսմանյան կայսրություն. Ցեղասպանության ծրագրի ծագումնաբանությունը (1876–1920 թթ.), Երևան, «Լուսակն», 247 էջ:

Սուրմեյան Լ. Ջ. 1980, Ձեզ եմ դիմում տիկիներ և պարոններ (ինքնակենսագրական վեպ), Երևան, «Սովետական գրող», 304 էջ:

Վ. Բ. Բրոֆ. Վահագն Տատրեան դասախօս Պոստըն Գալըճին մէջ . – «Բուրաստան» (Մոնթրէալ), 1963, թիւ 4–5, յուլիս–օգոստոս, էջ 7:

Տատրեան Ա. 1995. Կեանքին մէջէն իմ եւ ուրիշներու կենաքը (Յուշեր), Իսթանպուլ, տպ. «Ժամանակ», 480 էջ:

Տատրեան Վ. Հայերու բողոքը Մոսկուայի դէմ.– «Հայրենիք» (Բոստոն), 06. X. 1964:

Տատրեան Վ. 1945, Դէպի անապատ: Փրցուած էջեր օրագրէս, Նիւ Եորք, տպ. «Կոչնակ», 476 էջ:

Տատրեան Վ. 1995, Հայկական ցեղասպանութիւնը խորհրդարանային եւ պատմագիտական քննարկումներով, ԱՄՆ, Մասաչուսեթս, «Պայքար», 147 էջ:

Տատրեան Վ. Ն. 2003, Հայոց ցեղասպանության թուրքերի կողմից ժխտման գլխավոր տարրերը. Խնդրի աղավաղման և կեղծման ուսումնասիրությունը .– Հայոց ցեղասպանության պատմության և պատմագիտության հարցեր, թիվ 8, Երևան, էջ 136–168:

Տատրեան Վ. Ն. 2012, Հայոց ցեղասպանությունը: Վերաքննությունը անոր պատմական քաղաքական եւ օրինական երեւոյթներուն, թարգմ.՝ Ս. Յ. Մինասյան, Լոս Անճելէս, էջ 3–79:

Տոքթ. Վահագն Տատրեանի նամակը «Նիւ Եորք թայմզի»-ի մէջ: Յանուն ազատ Հայաստանի կատարուած հողային պահանջներուն ժխտումը կը վերագրուի անխիղճ դիւանագիտութեան.– «Ազդակ» (Պէյրութ–Լիբանան), 19. VIII. 1964:

Տոքթ. Վ. Տատրեան Լոնտոնի մէջ.– «Արեգակ» (Լոնտոն), 1965, թիւ 17, օգոստոս, էջ 11:

Տր. Վահագն Տատրեանի յօդուածը «Մոնիթըր»ի մէջ Դարաբաղի հայերու մասին.– «Հայրենիք» (Բոստոն), 27. IX. 1964:

Տօքթ. Վահագն Տատրեանը Թեհրանում.– «Ալիք» (Թեհրան), 30. VIII. 1965:

Տօքթ. Վահագն Տատրեանի դասախօսութիւնները.– «Արմենիա» (Բուենոս-Այրես), 26. VII. 1966:

Տօքթ. Վահագն Տատրեանը Թեհրանում Բ-Տեսակցութիւն Տօքթ. Տատրեանի հետ.– «Արմենիա» (Բուենոս-Այրես), 02. VII. 1970:

Ցեղասպանութեան մասին միջազգային գիաժողով.– «Արեւ» (Գահիրէ), 26. VIII. 1980:

Փրոֆ. Վահագն Տատրեանի Գործունէութիւնը.– «Արեւ» (Գահիրէ), 02. V. 1975, 13. X. 1976:

Փրոֆ. Վահագն Տատրեանի ակադեմական գործունէութիւնը Եւրոպայի մէջ.– «Արեւ» (Գահիրէ), 11. VIII. 1975:

Փրոֆ. Վ. Տատրեան Կը Մասնակցի Գիտաժողովի Մը.– «Արեւ» (Գահիրէ), 15. VIII. 1975:

Փրոֆ. Վահագն Տատրեանի Բ. Դասախօսութիւնը Տօքթ. Տատրեանի հետ.– «Արմենիա» (Բուենոս-Այրես), 22. VII. 1970:

«Ֆրայէ Փրեսէ» Փրոֆ. Վ. Տատրեանի մասին, Հայ գիտնական մը՝ Պուլնոս Այրէսի մէջ.– «Արմենիա» (Բուենոս-Այրես), 02. IX. 1968:

Дадрян В. 2007, История Армянского Геноцида: Этнический конфликт от Балкан до Анатолии и Кавказа, перевод С. Д. Оганесян. Ереван, «Гладзор», 584 с.

Dadrian V. 1963, An Appraisal of the Communist Formula in Form, Socialist in Content, Part II.– “Armenian Review” (Watertown), vol. 16, no. 4–64, pp. 3–14.

Dadrian V. 1965, Major Patterns of Social and Cultural Changes of Soviet Armenians.– “American Philosophical Society”, N 65, pp. 375–379.

Dadrian V. 1967, An Interpretation of the Address to the Central Committee of the Communist Party of the Soviet Union.– “Armenian Review” (Watertown), vol. 20, no. 1–77, pp. 64–78.

Dadrian V. 1967, The Events of April 24 in Moscow.– “Armenian Review” (Watertown), vol. 21, no. 2–78, pp. 9–26.

- Dadrian V. 1967, Sources and Signs of Armenian Unrest.– “Problems of Communism”, 16, pp. 70–71.
- Dadrian V. 1968, The Initial Development of the Soviet Posture on Nationalities: A Reappraisal of the Roles of Lenin and Stalin.– “Indian Sociological Bulletin”, India, VI, no.1, October pp. 18–38.
- Dadrian V. 1968, The Karabagh Issue.– “Armenian Review” (Watertown), vol. 21, no. 3–83, pp. 57–84.
- Dadrian V. 1969, Inter-Ethnic Conflicts in the Soviet Transcaucasus.– “International Review of History and Political Science” (Meerut, India), 6, no. 2, pp. 79–92.
- Dadrian V. 1970, National Communism - A Soviet Dilemma.–“Political Scientist”, 2, no. 1–2, pp. 13–20.
- Dadrian V. 1972, Industrialization and Recent Trends of Ethnocentrism in Armenia.– “Ukrainian Quarterly”, vol. 28, New York City, no. 1, pp. 53–68.
- Dadrian V. 1972, Nationalism, Communism and Soviet Industrialization: A Theoretical Exposition.– “Sociologia Internationalis” (Duncker & Humbolt-Berlin), 10, no. 2, pp. 183–212.
- Dadrian V. N. 1975, A Typology of Genocide.–“International Review of Modern Sociology”, 5, no. 2, pp. 201–212.
- Dadrian V. N. 1975, Common Features of the Armenian and Jewish Cases of Genocide: A Comparative Victimological Perspective, ed. by Israel Drapkin, Emilio Viano, “Victimology: A New Focus”, Vol. 4, Lexington, MA: D. C. Heath and Co., pp. 99–120.
- Dadrian V. 1976, Authority on the Study of Genocide, to Attend Concert.– “The Armenien Reporter” (New York), April 19.
- Dadrian V. 1977, Nationalism in Soviet Armenia: A Case Study of Ethnocentrism, Nationalism in the USSR and Eastern Europe, ed. George Simmonds. Nationalism in the USSR and Eastern Europe in the era of Brezhnev and Kosygin, Detroit, University of Detroit Press, pp. 201–258.
- Dadrian V. 1986, The Role of Turkish Physicians in the World War I Genocide of Ottoman Armenians.– “Holocaust and Genocide Studies” (Great Britain, Pergamon press), Vol. 1, No. 2, pp. 169–192.
- Dadrian V. N. 1989, Genocide as a Problem of National and International Law: The World War I Armenian Case and Its Contemporary Legal Ramifications.– “Yale Journal of International Law”, Vol. 14, no. 2, Summer, pp. 221–334.
- Dadrian V. N. 1990, Towards a Theory of Genocide: Incorporating the Instance of Holocaust: Comments, Criticisms and Suggestions.– “Holocaust and Genocide Studies” (Oxford University Press), Vol 5, No. 2, pp. 129–143.
- Dadrian V. N. 1991, The Documentation of the World War I Armenian Massacres in the Proceedings of the Turkish Military Tribunal.– “International Journal of Middle East Studies” (Cambridge University Press), Vol. 23, No. 4, Nov, pp. 549–576.
- Dadrian V. N. 1991, Documentation of the Armenian Genocide in Turkish Sources. – In “Genocide: A Critical Bibliographic Review”, edited by Israel W. Charny. London, Mansell Publishing, pp. 86–138.
- Dadrian V. N. 1993, The Secret Young Turk Ittihadist Conference and the Decision for the World War I Genocide of the Armenians.– “Journal of Political and Military Sociology” (University of Florida), Vol. 22, no. 1, pp. 173–201.

Dadrian V. N. 1993, *The Role of the Special Organisation in the Armenian Genocide During the First World War*, State University of New York, Geneseo, Reprinted from *Minorities in Wartime*, 39 p.

Dadrian V. N. 1995, *The History of the Armenian Genocide: Ethnic Conflict from the Balkans to Anatolia to the Caucasus*. Oxford, 452 p.

Dadrian V. N. 1996, *German Responsibility in the Armenian Genocide: A Review of the Historical Evidence of German Complicity*. Watertown, Massachusetts, Blue Crane Books, 304 p.

Dadrian V. N. 1998, *Warrant for Genocide, Key Elements of Turko-Armenian Conflict*, New Brunswick (USA) and London (UK), Transaction Publishers, 214 p.

Dadrian V. N. 1999, *Armenian Genocide: Court-martial of Perpetrators.*— *Encyclopedia of Genocide*, Macmillan Reference, vol. 1. CA, Oxford, Great Britain: ABC-CLIO, pp. 87–89.

Dadrian V. N. 1999, *The Convergent Roles of the State and a Governmental Party in the Armenian Genocide*. In L. Chorbajian and G. Shirinian, eds., *Studies in Comparative Genocide*. London, Macmillan and New York, St. Martin's Press, pp. 92–124.

Dadrian V. N. 1999, *The Key Elements in the Turkish Denial of the Armenian Genocide: A Case Study of Distortion and Falsification*, Zoryan Institute, Toronto, 84 p.

Dadrian Vahram. 2003, *To the Desert: Pages from My Diary*, translated from the Armenian by Agop J. Hacikyan [edited by Ara Sarafian], Gomidas Institute, Princeton, 426 p.

Dadrian V. N. 2003, *The Signal Facts Surrounding the Armenian Genocide and the Turkish Denial Syndrome* .– “*Journal of Genocide Research*”, vol. 5, no. 2, June, Routledge, pp. 269–279.

Dadrian V. N. 2003, *Children as Victims of Genocide: The Armenian Case.*— “*Journal of Genocide Research*”, vol. 5, no. 3, September, Routledge, pp. 421–427.

Dadrian V. N. 2005, *Armenians in the Ottoman Empire and the Armenian Genocide.*— *Encyclopedia of Genocide and Crimes Against Humanity*, vol. 1. Macmillan Reference, pp. 67–76.

Dadrian V. N. 2005, *Atatürk, Mustapha Kemal Pasha.*— *Encyclopedia of Genocide and Crimes Against Humanity*, vol. 1, Macmillan Reference USA, pp. 92–94.

Dadrian V. N. 2005, *Impunity.*— *Encyclopedia of Genocide and Crimes Against Humanity*, vol. 2, Macmillan Reference USA, pp. 489–491.

Dadrian V. N. 2005, *Talaat.*— *Encyclopedia of Genocide and Crimes Against Humanity*, vol. 3, Macmillan Reference USA, pp. 1019–1020.

Dadrian V. N. 2010, *The Quest for Scholarship in My Pathos for the Armenian Tragedy and Its Victims.*— “*Pioneers of Genocide Studies*” (ed. Totten S., Jacobs S. L.), Transaction Publishers, pp. 235–251.

Prof. Vahakn Dadrian Returns Here After Venezuelan Congress on Crime.— “*The Armenian Reporter*” (New York), 07. XII. 1972.

Professor Dadrian Visits Australia April 17–April 29.— «Արմենիա» (Սիդնեյ), 07. V. 1997:

Zarevand. 1971, *United and Independent Turania: Aims and Designs of the Turks*. Translated from the Armenian by V. N. Dadrian. Leiden, E. J. Brill, 153 p.

Werfel F. 1933, *Die Vierzig Tage des Musa Dagh*, 1 Band, 556 S., 2 Band, Berlin, Publisher P. Zsolnay, 584 S.

Bali R. Musa Dağ' da Kırk Gün'ün Hikâyesi.—“Tarih ve Toplum” (İstanbul), 1989, sayı 170, s. 21–33.

Dadrian V. N. 1995, Ermeni Soykırımı Tarihi: Balkanlardan Anadolu ve Kafkasya'ya Etnik Çatışma, Birinci baskı, İstanbul, Belge yayınları, 664 s.

Dadrian V. N. 1995, Ulusal ve Uluslararası Hukuk Sorunu Olarak Jenosid, Türkcesi: Yavuz Alogan, İstanbul, Belge yayınları, 221 s.

Dadrian V. N. 2005, Türk Kaynaklarında Ermeni Soykırımı. Toplu Makaleler 2, çeviren Attila Tuygan, İstanbul, Kitapyurdu, 384 s.

İstanbul Ermenilerin F. Werfele Mukabelesi. – “Cumhuriyet” (İstanbul), 16. XII. 1935.

ВААГН ТАТРЯН: ВЫДАЮЩИЙСЯ ИССЛЕДОВАТЕЛЬ ГЕНОЦИДА АРМЯН

ЛУСИНЕ СААКЯН

Резюме

Ключевые слова: Ваагн Татрян, Геноцид армян, изгнание, Армения, Арцах, Диаспора, Османская империя, социология, криминалистика, виктимология, документ, пресса.

Велик вклад известного историка Ваагна Татряна в изучении Геноцида армян. Применяя новейшие историко-сравнительные и междисциплинарные методы, Татрян впервые ввел в научный оборот многочисленные архивные документы. Основываясь на теоретические положения разных научных дисциплин, в своих трудах ученый выдвинул и проанализировал новые проблемы, связанные с Геноцидом армян, и результаты его исследований, опубликованных на различных научных и общественно-политических платформах, всегда оказывались в центре внимания научных кругов. С 1950 по 1991 год В.Татрян совмещал преподавательскую деятельность с научной. Его перу принадлежат 22 монографии, порядка 140 научных статей и многочисленные публикации на разных языках, посвященные Геноциду армян. Многие из статей и интервью В. Татряна, напечатанных в прессе армянской Диаспоры в 1960–1990-х годах, в данной статье впервые вводятся в научный оборот, раскрывая новые аспекты как его научно-общественной деятельности, так и его человеческого образа. В предложенной ученым концепции «парадигмы геноцида» разграничиваются две стадии намерения: «предварительная» и «завершающая», которые тесно связаны между собой. Изучив причины и последствия Геноцида армян, В. Татрян отвергает тезис о «предательском» отношении армян к Османской империи, разоблачает преступную сущность турецких властей, а также анализирует позиции европейских государств в отношении Армянского вопроса.

Ученый всесторонне анализирует также причины и этапы возникновения Армянского вопроса, выявляет органическую связь между направленными на истребление армян программами и действиями абдугамидовских, младотурецких и кемалистских властей. В. Татрян квалифицирует Геноцид армян как преднамеренное преступление против человечества.

Изучая жизнь и научную деятельность В. Татряна, мы сталкиваемся с теми историко-политическими проблемами, которые до настоящего времени остаются нерешенными и являют собой экзистенциальную угрозу для Республики Армения, Арцаха и Диаспоры.

Լուսինե Տաակյան – ք. փիլոլ. ռ., ղոցենտ կաֆեդրա տյուրկոլոգիա ԵԴՄ, ղաղեղյալա ղդելոմ աղմաո-ոսմանկա սաղաղա Ինստիտուտա աղմոնողեղեղա ղս-սղեղողաղաղա ԵԴՄ. Ոաղղաղա ղնտերեսաղ: ղստորիղեղաղա ղեմոգղաղաղա, տոնոնիմիաղ, ղստորա աղմաղենկաղա աղմաղաղ, էթնոնոլիտիկա Օսմանկողա ղմղերիաղ, Դեղոնոցիղ աղմաղաղ, Աղմաղանկաղաղաղաղ. Աղաղղղ 6 կնիղ և ողեղ 50 ստաղեղղ.
lsahakyan@ysu.am

VAHAGN DADRYAN – THE OUTSTANDING RESEARCHER OF THE ARMENIAN GENOCIDE

LUSINE SAHAKYAN

Summary

Keywords: Vahagn Dadryan, Armenian Genocide, exile, Armenia, Artsakh, Diaspora, Ottoman Empire, sociology, criminalistics, victimology, document, press.

Prominent historian Vahagn Dadryan's contribution to the study of the Armenian Genocide is highly valuable. Applying the latest historical-comparative and interdisciplinary methods, Dadryan discovered and introduced numerous archival documents into scientific circulation. Proceeding from theoretical statements put forward by different scientific disciplines, the scholar proposed and analyzed new problems and aspects of the Armenian Genocide, and the results of his investigations published on various academic and socio-political platforms, have always attracted the attention of academic circles. From 1950 through 1991, Vahagn Dadryan's teaching and research activities have been combined, and he authored 22 monographs, around 140 articles and numerous publications in different languages dedicated to the problem of the Armenian Genocide. Many of his articles and interviews, published in the press of the Armenian Diaspora in the 1960s-1990s, have served as valuable sources for the present article, in the meantime revealing not only new aspects of his scholarly and social activities, but also his image of a human figure. In his concept of the "paradigm of Genocide", two phases of intent – the

“preliminary” and the “finalizing”, are distinguished and their interconnection is underscored. Having studied the causes and consequences of the Genocide, Vahagn Dadryan denies the thesis about Armenians’ “treacherous” attitude towards the Ottoman Government, unmasks the criminal nature of the Turkish powers, analyzes the positions taken by the European states with regard to the Armenian Cause.

The historian also comprehensively analyzes the causes and phases of the emergence of the Armenian Cause, reveals the intrinsic connection between the plans and actions of the Hamidian, Young Turkish and Kemalist powers towards the eradication of Armenians. Vahagn Dadryan qualifies the Armenian Genocide as a premeditated crime against humanity.

While studying Dadryan’s life and scientific research, we encounter the historical and political problems, which still remain unresolved up to this day and pose an existential threat to the Republic of Armenia, Artsakh and the Armenian Diaspora.

Lusine Sahakyan – Candidate of Philological Sciences, Associate Professor of the YSU Department of Turkology, Head of the Department of Armenian-Ottoman Relations of the YSU Institute of Armenian Studies. Scientific interests: historical demography, toponymy, history of Hamshen Armenians, ethnopolitics of the Ottoman Empire, Armenian Genocide, Armenian Cause. Author of 6 books and more than 50 articles. lsahakyan@ysu.am